

舊唐書

冊

一



舊唐書

四時雜記

史書

唐

書

四部備要

史部

上海中華書局據武英殿
本校刊

桐鄉 陸費逵 總勘

杭縣 高時顯 輯校

杭縣 吳汝霖 校
丁輔之 監造

重刻舊唐書序

李唐氏有天下三百年三代而降英君明辟若唐文皇功德固在首列厥後子孫迭興雖中更喪亂猶不失爲盛朝而玄憲二宗至配貞觀與漢七廟同稱何也其典章法度貽謀之善不可及已蓋作唐史者有三人焉吳兢韋述令孤峘此皆金闈上彥操筆石渠而未竟一代至石晉朝始敕中書劉昫等因峘舊文增爲百九十卷然後有唐事跡悉載無遺而撰述詳贍妙極模寫足以上追史漢下包魏陳信乎史之良者無以加于是矣奈何宋之慶曆又出新編大有增損至使讀者不復得覩唐朝一詔令歷年五百舊書湮蔑君子不能無病諸皇上下文弘道化被四遠由是縉紳士夫咸以修緝典墳爲己任此書故有刻本在吳中惜亦未全先任提學侍御北江聞人公聞之慨然欲壽諸梓與菁莪共擇可託者得蘇學司訓沈君有問學幹局良儒師也因授之俾董厥事且命廣搜殘逸足其卷數及募士出貲佐經費君鳩工堂西大舍中無啻三十手朱墨讎校不舍晝夜成未及半而北江公以憂去以貲不紹白之巡撫大中丞石江

歐陽公公命掌郡事別駕鍾侯助其役未幾府主王侯至任許相以完大巡侍御西郭陳公尤加贊相樂書之成而其事則總於今任提學侍御午山馮公焉蓋學政之臺書之所由起也工將畢士子袁貞輩相率扣予請先序諸後予惟三古聖人作爲經書人極立矣十九朝史官述爲史書往事鑒矣去聖既遠後儒蠹經經不可蠹猶雲翳白日日行空自如也史又可以新掩舊哉且文章之作率視其區宇之全缺鉅唐疆域幅員萬里其廣大與軒后等是以詞華蔚茂有至光焰萬丈者即舍相踵既出螭坳親見又遇劉司徒之博洽乃克成書其難如此忽有改圖殆不其然今日羣公雲萃留神盛舉蓋匪創則無以始弗繼將莫能終至於中間經畫尤艱其任此殆至寶將出之幸會其數天也偉矣哉惜予耄矣而不能卒業抑不知青雲士能觀以否所謂前朝國勢先賢行事故黎命脈班班具存推之於政古今一也有能舍其新而舊是圖將來挾以爲國家用吾知事業發揮必當煒燁崢嶸勝常而不凡也詎止以資見聞談說而已哉沈君名桐字大材號春波嘉禾望族學通壁經累試場屋知名以超貢入胄

監屈就今官其於斯績甚勤且出私帑不之校斯文不墜係其承理之功多也
因併及云時在嘉靖十七年秋仲東吳耄生楊循吉謹序

重刊唐書序

嘉靖己亥吳郡重刊唐書成書凡二百卷本紀卷二十志三十列傳百有五十石晉宰相涿人劉昫撰初御史紹興聞人公詮視學南畿以是書世無梓本他日按吳遂命郡學訓導沈桐刊置學宮工未竟而公以憂去及是書成以書來屬徵明爲敘按唐興令狐德棻等始撰武德貞觀兩朝國史八十卷至吳兢合前後爲書百卷而柳芳韋述嗣緝之起義寧訖開元僅僅百餘年而于休烈令狐峘以次增緝訖於建中而止而大曆元和以後則成於崔龜從厥後韋澳諸人又增緝之凡爲書百四十有六卷而芳等又有唐曆四十卷續曆二十二篇皆當時紀載之言非成書也晉草唐命昫等始因舊史緒成此書然五代史昫傳不載此事豈其書出一時史館而昫特以宰相領其事邪然不可考已或謂五代搶攘文氣卑弱而是書紀次無法詳略失中不足傳遠宋慶曆中詔翰林儒臣刊修之自慶曆甲申至嘉祐庚子歷十有七年成新書二百二十五卷視舊史削六十一傳增傳三百三十有一續撰儀衛選舉及兵及藝文四志別撰

宰相方鎮及宗室世系宰相世系四表所謂其事則增於前其文則省於舊實當時表奏之語而第賞制詞亦謂闕博精覈度越諸子良以宋景文歐陽文忠皆當時大手筆而是書實更二公之手故朝野尊信而舊書遂廢不行然議者則以用字奇澀爲失體刊削詔令爲太略固不若舊書之爲愈也司馬氏修通鑑悉據舊史而於新書無取焉惟周益公稱其刪繁爲簡變今以古有合於所謂文省於舊之論而劉元城顧謂事增文省正新書之失唐庚氏尤深斥之乃極言舊書之佳其所引決海救焚引鳩止渴之語豈直工儷而已自是一代名言也然則是書也其可以無傳乎雖然不能無可議者段秀實請辭郭晞有吾戴吾頭之語新書省一吾字議者以爲失實是矣而舊史秀實傳乃都不書夫秀實大節固不以此而此事亦卓詭可喜柳宗元敘事尤號奇警且鄭重致詞上於史館若是而不得登載則其所遺亦多矣甚者詆韓愈文章爲紕謬謂順宗實錄繁簡不當拙於取舍異哉豈晁氏所謂多所闕漏是非失實者邪甚矣作史之難也心術有邪正詞理有工拙識見有淺深而史隨以異要在傳信傳

著不失其實而已今二書具在其工拙繁簡是非得失莫之有揜焉彼斥新書爲亂道誠爲過論而或緣此遂廢舊史又豈可哉此聞人公所爲梓行之意也是書嘗刻於越州卷後有教授朱倬名倬忤秦檜出爲越州教授當是紹興初年今四百年矣其書復行而公又出於越其事豈偶然哉先是書久不行世無善本沈君僅得舊刻數冊較全書才十之六七於是徧訪藏書之家殘章斷簡悉取以從事校閱惟審一字或數易歷三暑寒乃克就緒其勤誠有足嘉者因附著之是歲三月望前翰林待詔長洲文徵明序

重刻舊唐書序

書以紀事謏聞爲贖事以著代間逸則遺是故史氏之書與天地相爲始終六經相爲表裏疑信並傳闕文不飾以紀事實以昭世代故六經道明萬世宗仰非徒文藝之誇誕而已也尙書壁存典訓不斲魯史麟絕杞宋失徵繼而有作其惟司馬氏及小司馬以迨班范諸家八書十志經緯天人八志十典紘維政事藏山刊石繁紹聖經歷漢躋隋炳發靈憲是故王教之要國典之源代有徵考若覩著蔡李唐嗣興萬目畢舉其經畫之精詳維持之慎密雖未上躡周軌亦足並驟漢疆晉史臣劉昫氏者爰集館寮博稽載典纂修二十一本紀首高祖以迄哀帝而汶哲具昭旁修十一志始禮儀以終刑法而巨細畢舉列傳一千一百八十有奇內以紀后妃之淑慝外以悉文武之臧否宗室族屬互以時敘外戚宦官各以類別良吏酷吏鑒戒具昭忠義孝友褒論悉當儒學文苑表以著達方伎隱逸兼以察微詳傳列女以彰婦順分傳蠻狄以立大防卷凡二百一十有四統名之曰唐書識博學宏才優義正真有唐一代之良史秦隋以

下罕有其儷固後世之刑鑒具在也有宋迭興分職書局載輯唐鑑於祖禹繼纂唐書於昌朝王宋諸賢相繼彙輯復成一代之新書遂亡劉氏之舊帙詮謬司文學徧歷輔畿爰校六經兼讎諸史始知漢晉以迄宋元皆有監本司成甫川張公嘗奉旨校勘總爲二十一史刊證謬訛粲然明備惟劉氏唐書鬱絕不傳無所考覓積集再期酷志刊復苦無善本莫可繼志竊惟古人有云層臺雲構所缺過乎椽桷爲山霞高不終踰乎一壘憫哉斯言益用惶怵乃旁謀學屬博訪諸司間禮儒賢以探往籍更歷三載竟莫有成末復拜節姑蘇窮搜力索吳令朱子遂得列傳於光祿張氏長洲賀子隨得紀志於守溪公遺籍俱出宋時模板旬月之間二美璧合古訓有獲私喜無涯乃督同蘇庠嚴爲校刻司訓沈子獨肩斯任効勤四載書幸成編匱直千金刻未竟業石江歐陽公聞而助以厚鑑午山馮子西郭陳子以迨郡邑諸長貳咸力輔以終事數百年之闕典於是乎始有可稽矣物之成毀信各有數是書之成夫豈偶哉肇工於嘉靖乙未卒刻於嘉靖戊戌珠璣璀璨亥豕盡刊玉薤精嚴塵葉罔翳煥新一代之舊

文選續百王之訓典進配諸史允備全書因布多方以惠多士餘姚聞人詮序

本館二十

本館二十

本館二十

本館二十

凡二百卷

本館二十

本館二十

本館二十

本館二十

本館二十

本館二十

本館二十

舊唐書目錄考證

玄宗元獻皇后楊氏○臣德潛按同係玄宗后妃而廢后王氏武惠妃楊貴妃

列后妃卷上元獻皇后又列卷下于體例未合因舊時分定卷帙不復更改

漢武王瓌○臣德潛按前河間王孝恭下既附見孝恭弟瑊與瓌事實矣此又

書漢武王瓌而並未立傳明係複見今刪

高士廉○子履行真行有事實而不書其名明闕略也今已補出後倣此

玄宗諸子○臣德潛按原本庶人瑛下有皇太子亨即肅宗也已見本紀中此

處不應更列今刪

楊朝晟○臣酉按前七十二卷中已有楊朝晟傳矣此又見九十四卷中明係

重複因兩傳略有異同故仍存其目

宦官○臣酉按本文無傳者不應列名目中原本于高力士下有袁思藝于王

守澄下有仇士良于楊復恭下有劉季述王奉先韓全誨皆有目無傳者也

今刪

舊唐書目錄考證

舊唐書目錄考證

舊唐書目錄考證

舊唐書目錄考證

舊唐書目錄考證

舊唐書目錄考證

舊唐書目錄考證

舊唐書目錄考證

舊唐書目錄考證

舊唐書目錄考證

舊唐書目錄考證

舊唐書目錄

後晉司空同中書門下平章事劉昫撰

本紀二十

志三十六

列傳一百五十

凡二百卷

本紀

舊唐書卷一

本紀第一

高祖

舊唐書卷二

本紀第二

太宗上

舊唐書卷三

本紀第三

太宗下

舊唐書卷四

本紀第四

高宗上

舊唐書卷五

本紀第五

高宗下

舊唐書卷六

本紀第六

則天皇后

舊唐書卷七

本紀第七

珍做宋版

本中宗 十五

睿宗 十五

舊唐書卷八

本紀第八

玄宗上

舊唐書卷九

本紀第九

玄宗下

舊唐書卷十

本紀第十

肅宗

舊唐書卷十一

本紀第十一

代宗

舊唐書卷十二

本紀第十二

德宗上

舊唐書卷十三

本紀第十三

德宗下

舊唐書卷十四

本紀第十四

順宗

憲宗上

舊唐書卷十五

本紀第十五

憲宗下

舊唐書卷十六

本紀第十六

穆宗

舊唐書卷十七上

本紀第十七上

敬宗

文宗上

舊唐書卷十七下

本紀第十七下

文宗下

舊唐書卷十八上

本紀第十八上

舊唐書

目錄

三 中華書局聚

武宗

宣宗上

舊唐書卷十八下

本紀第十八下

宣宗下

舊唐書卷十九上

本紀第十九上

懿宗

舊唐書卷十九下

本紀十九下

僖宗

舊唐書卷二十上

本紀第二十上

昭宗

舊唐書卷二十下

本紀第二十下

哀宗

志

舊唐書卷二十一

志第一

禮儀一

舊唐書卷二十二

志第二

禮儀二

舊唐書卷二十三

志第三

禮儀三

舊唐書卷二十四

志第四

禮儀四

舊唐書卷二十五

志第五

禮儀五

舊唐書卷二十六

志第六

禮儀六

舊唐書卷二十七

志第七

禮儀七

舊唐書卷二十八

志第八 三十六

音樂一

舊唐書卷二十九

志第九 三十五

音樂二

舊唐書卷三十

志第十 三十四

音樂三

舊唐書卷三十一

志第十一 三十三

音樂四

舊唐書卷三十二

志第十二

曆一

舊唐書卷三十三

志第十三

曆二

舊唐書卷三十四

志第十四

曆三

舊唐書卷三十五

志第十五

天文上

舊唐書卷三十六

志第十六

天文下

舊唐書卷三十七

志第十七

五行

舊唐書卷三十八

志第十八

地理一

舊唐書卷三十九

志第十九

地理二

舊唐書卷四十

志第二十

地理三

舊

唐

書

目錄

六 中華書局聚

舊唐書卷四十一

志第二十一

地理四

舊唐書卷四十二

志第二十二

職官一

舊唐書卷四十三

志第二十三

職官二

舊唐書卷四十四

志第二十四

職官三

舊唐書卷四十五

志第二十五

輿服

舊唐書卷四十六

志第二十六

經籍上

舊唐書卷四十七

志第二十七

經籍下

舊唐書卷四十八

志第二十八

食貨上

舊唐書卷四十九

志第二十九

食貨下

舊唐書卷五十八

志第三十

刑法

列傳

舊唐書卷五十一

列傳第一

后妃上

高祖太穆皇后竇氏

太宗文德皇后長孫氏

賢妃徐氏

高宗廢后王氏良娣蕭氏

中宗和思皇后趙氏

中宗韋庶人

上官昭容

睿宗肅明皇后劉氏

睿宗昭成皇后竇氏

玄宗廢后王氏

玄宗貞順皇后武氏

玄宗楊貴妃

舊唐書卷五十二

列傳第二

后妃下

玄宗元獻皇后楊氏

肅宗張皇后

肅宗章妃

肅宗章敬皇后吳氏

代宗崔妃

代宗睿貞皇后沈氏

代宗貞懿皇后獨孤氏

德宗昭德皇后王氏

德宗章妃

順宗莊憲皇后王氏

憲宗懿安皇后郭氏

憲宗孝明皇后鄭氏

女學士尚宮宋氏

穆宗恭僖皇后王氏

敬宗郭貴妃

穆宗貞獻皇后蕭氏

穆宗宣懿皇后韋氏

武宗王賢妃

宣宗元昭皇后晁氏

懿宗惠安皇后王氏

昭宗積善皇后何氏

舊唐書卷五十三

列傳第三

李密

舊唐書卷五十四

列傳第四

王世充

竇建德

舊唐書卷五十五

列傳第五

薛舉 子仁杲

李軌

劉武周 苑君璋附

高開道

劉黑闥 徐圓朗附

舊唐書卷五十六

列傳第六

蕭銑

杜伏威

輔公祏

闕稜王雄誕附

沈法興

李子通

朱粲張善安附林士弘

羅藝

梁師都

劉季貞李子和附

舊唐書卷五十七

列傳第七

裴寂

劉文靜

弟文起李思行

子樹藝高遷

李孟嘗許世緒

劉世龍劉師立

趙文恪錢九隴

張平高樊興

公孫武達張長遜

李龐安遠附

舊唐書卷五十八

列傳第八

唐儉

長孫順德

劉弘基

殷嶠

劉政會

柴紹 平陽公主 馬三寶附

武士護 兄士稜 士逸

舊唐書卷五十九

列傳第九

屈突通

子壽 諡仲翔

任瓌

丘和

子行恭 行恭子神勣

許紹

嫡孫力士 紹次子智仁 力士子欽明 子圍師

李襲志

弟襲譽 兄子懷儼

姜暮

子行本 柔遠 柔遠子簡 簡子晞 簡子皎 皎子慶初

舊唐書卷六十

列傳第十

宗室

太祖諸子 代祖諸子

永安王孝基

淮安王神通子道彦 孝節 孝同 孝慈

襄邑王神符 長平王叔良

襄武王琛 河間王孝恭子晦 孝恭

盧江王瑗王君廓附 淮陽王道玄

江夏王道宗 隴西王博乂

舊唐書卷六十一

列傳第十一

温大雅子無隱 弟彦博 大有 陳叔達

竇威子暉 兄子軌 子奉節 軌弟琮 從子抗 抗子衍 靜子希玠 誕少子孝謹

抗季弟璉

舊唐書卷六十二

列傳第十二

李綱子少植子安仁

鄭善果從兄元疇

楊恭仁子思訓執柔弟執一思訓孫睿文恭仁少弟師道恭仁弟續孫執柔執柔子潛

皇甫無逸

李大亮族孫迴秀

舊唐書卷六十三

列傳第十三

封倫子言道兄子行高

蕭瑀子銳兄子鈞鈞子嗣業

裴矩子宣機

宇文士及

舊唐書卷六十四

列傳第十四

高祖二十二子

隱太子建成

衛王元霸

巢王元吉

楚王智雲

荆王元景

漢王元昌

鄴王元亨

周王元方

徐王元禮

韓王元嘉

彭王元則

鄭王元懿

霍王元軌

號王鳳

道王元慶

鄧王元裕

舒王元名

魯王靈夔

江王元祥

密王元曉

滕王元嬰

舊唐書卷六十五

列傳第十五

高士廉

子履行
真行

長孫無忌

舊唐書卷六十六

列傳第十六

房玄齡子遺直
遺愛

杜如晦弟楚客
叔淹

舊唐書卷六十七

列傳第十七

李靖弟客師
問 客師孫令
令問孫彥芳

李勣孫敬業

舊唐書卷六十八

列傳第十八

尉遲敬德

秦叔寶

程知節

段志玄

張公謹子大素
大安

舊唐書卷六十九

列傳第十九

侯君集

張亮

薛萬徹兄萬鈞
劉世讓

盛彥師

李君羨祖尙
附

舊唐書卷七十六

列傳第二十

王珪

戴胄 兄子至德

岑文本 兄子長倩格輔元附

長倩子羲

杜正倫

舊唐書卷七十一

列傳第二十一

魏徵

舊唐書卷七十二

列傳第二十二

虞世南

李百藥

褚亮 李玄道李守素附

舊唐書卷七十三

列傳第二十三

薛收兄子元敬 子元超

姚思廉

顏思古弟相時

令狐德棻鄧世隆 顧胤 李延壽 李仁實附

孔穎達司馬才章 王恭
馬嘉運附

舊唐書卷七十四

列傳第二十四

劉洎

馬周

崔仁師孫湜 湜弟液 液弟滌

舊唐書卷七十五

列傳第二十五

蘇世長子良嗣

韋雲起孫方質

孫伏伽

舊唐書卷七十六

列傳第二十六

張玄素

太宗諸子

恆山王承乾

楚王寬

吳王恪

子成王千里
孫信安王禕

濮王泰

庶人祐

蜀王愔

蔣王暉

越王貞

子琅邪王冲

紀王慎

江王徽

代王簡

趙王福

曹王明

舊唐書卷七十七

列傳第二十七

韋挺

子待價
弟萬石

楊纂

族子弘禮
弘武子元亨
元儻

劉德威

子審禮

閻立德

弟立本

柳亨

族子範
孫渙澤

兄子奭

崔義元

子神慶

舊

唐

書

目錄

十三

中華書局聚

舊唐書卷七十八

列傳第二十八

于志寧

高季輔

張行成

族孫易之昌宗

舊唐書卷七十九

列傳第二十九

祖孝孫

傅仁均

傅奕

李淳風

呂才

舊唐書卷八十

列傳第三十

褚遂良

韓瑗

來濟

上官儀

舊唐書卷八十一

列傳第三十一

崔敦禮

盧承慶

劉祥道

李敬玄

李義琰

孫處約

樂彥璋

趙仁本

舊唐書卷八十二

列傳第三十二

許敬宗

李義府

少子湛

舊唐書卷八十三

列傳第三十三

郭孝恪

張儉

蘇定方

薛仁貴

程務挺

張士貴

趙道興

舊唐書卷八十四

列傳第三十四

劉仁軌

郝處俊

裴行儉 子光庭

舊唐書卷八十五

列傳第三十五

唐臨 孫紹

張文瓘 兄文琮
從弟文收

徐有功

舊唐書卷八十六

列傳第三十六

高宗中宗諸子

燕王忠

原王孝

澤王上金

許王素節

孝敬皇帝弘

裴居道

章懷太子賢

子邠王守禮

懿德太子重潤

庶人重福

節愍太子重俊

殤帝重茂

舊唐書卷八十七

列傳第三十七

裴炎

劉禕之

魏玄同

李昭德

舊唐書卷八十八

列傳第三十八

韋思謙

子承慶
嗣立

陸元方

子象先

蘇瓌

子頰

舊唐書卷八十九

列傳第三十九

狄仁傑 孫兼謨

王方慶

姚璿 弟班

舊唐書卷九十

列傳第四十

王及善

杜景儉

朱敬則

楊再思

李懷遠 子景伯 景伯子彭年

豆盧欽望 張光輔 崔元琮 史務滋 周允元附

舊唐書卷九十一

列傳第四十一

桓彥範

敬暉

崔元暉

張柬之

舊唐書卷九十二

袁恕己

列傳第四十二

魏元忠

章安石

子陟 從祖兄 子巨源 況 從父兄 子抗

蕭至忠

宗楚客 紀處訥附

舊唐書卷九十三

列傳第四十三

婁師德

王孝傑

舊唐書卷九十四

張仁愿

薛訥

王峻

舊唐書卷九十四

列傳第四十四

蘇味道

李嶠

崔融

盧藏用

徐彥伯

王勃

舊唐書卷九十五

魏徵

列傳第四十五

王李

睿宗諸子三

舊唐書讓皇帝憲

惠莊太子撝

惠文太子範

惠宣太子業

隋王隆悌

舊唐書卷九十六

列傳第四十六

姚崇

宋璟

舊唐書卷九十七

列傳第四十七

劉幽求

鍾紹京

郭元振

張說子均 埴 陳希烈附

舊唐書卷九十八

列傳第四十八

魏知古

盧懷慎子奧

源乾曜

從孫光裕 光裕子洵

李元紘

李暹

韓休

裴耀卿

孫佶

舊唐書卷九十九

列傳第四十九

崔日用

從兄日知

張嘉貞

弟嘉祐

蕭嵩

子華

張九齡

姪仲方

李適之 子季卿

嚴挺之

舊唐書卷一百

列傳第五十

尹思貞

李傑

解琬

畢構

蘇珣 子晉

鄭惟忠

王志愔

盧從愿

李朝隱

裴灌 從祖弟寬

王丘

舊唐書卷一百一

列傳第五十一

李义

薛登

韋湊 從子虛心
虛舟

韓思復 孫欣

張廷珪

王求禮

辛替否

舊唐書卷一百二

列傳第五十二

馬懷素

褚无量

劉子玄

兄知素

子貺錄彙秩迅迴

徐堅

元行冲

吳兢

韋述

弟道迪

舊唐書卷一百三

列傳第五十三

郭虔瓘

張嵩附

郭知運

子英傑

王君奭

賈師順附

張守珪

牛仙客

王忠嗣

舊

唐

書

目錄

大中華書局聚

舊唐書卷一百四

列傳第五十四

高仙芝

封常清

哥舒翰

舊唐書卷一百五

列傳第五十五

宇文融

章堅

楊慎矜

王鉷

舊唐書卷一百六

列傳第五十六

李林甫

楊國忠

張暉

王琚

王毛仲

陳玄禮附

舊唐書卷一百七

列傳第五十七

玄宗諸子

靖德太子琮

庶人璿

棣王琰

庶人瑤

靖恭太子琬

庶人瑒

夏悼王一

儀王璿

潁王璿

懷哀王敏

永王璘

壽王瑁

延王玢

盛王琦

濟王環

信王瑄

義王玘

陳王珪

豐王珙

恆王瑱

涼王璿

汴哀王璿

舊唐書卷一百八

列傳第五十八

章見素子諤益

崔圓

崔渙子縱

杜鴻漸

舊唐書卷一百九

列傳第五十九

馮盎

阿史那社尒子道貞 叔祖蘇尼失

契苾何力

黑齒常之

李多祚

李嗣業

白孝德

舊唐書卷一百十

列傳第六十

李光弼

王思禮

鄧景山

辛雲京

舊唐書卷一百十一

列傳第六十一

崔光遠

房瑄

子孺復

從子式

張鎬

高適

暢瓘

舊唐書卷一百十二

列傳第六十二

李暹

族弟齊物
族弟若水

齊物子復

李嶸

李國貞

子鏞

李峘

弟嶧

峴

李巨

子則之

舊唐書卷一百十三

列傳第六十三

苗晉卿

裴冕

裴遵慶 子向 向子寅 寅子樞

舊唐書卷一百十四

列傳第六十四

魯炆

裴茂

來瑱

周智光

舊唐書卷一百十五

列傳第六十五

崔器

趙國珍

崔瓘

敬括

韋元甫

魏少遊

衛伯玉

李承

舊唐書卷一百十六

列傳第六十六

肅宗代宗諸子 肅宗十三子 代宗二十子

越王係

承天皇帝倓

衛王佖

彭王儼

兗王儻

涇王侏

鄆王榮

襄王儼

杞王倓

召王偲

恭懿太子侶

定王侗

淮陽王億

昭靖太子邈

均王遐

睦王述

丹王逾

恩王連

韓王迥

簡王遘

益王迺

隋王迅

荆王選

蜀王邈

忻王造

韶王暹

嘉王運

端王遇

循王適

恭王通

原王逵

雅王逸

舊唐書卷一百十七

列傳第六十七

嚴武

郭英乂

崔寧

弟寬密

從孫蟲

蟲子堯

堯子黯

嚴震

嚴礪

舊唐書卷一百十八

列傳第六十八

元載 王昂 李少良 附

王縉

楊炎

黎幹 劉忠翼 附

庾準

舊唐書卷一百十九

列傳第六十九

楊綰

崔祐甫 子值 再從兄 倭

常袞

舊唐書卷一百二十

列傳第七十

郭子儀

子曜 晞 璣 曙 晤 映 晞 子 鋼 燮 子 劍 鏐 子 儀 弟 幼 明 幼 明 子 昕

舊唐書卷一百二十一

列傳第七十一

僕固懷恩

梁崇義

李懷光

舊唐書卷一百二十二

列傳第七十二

張獻誠

弟獻恭 獻甫 獻恭子煦

路嗣恭

子恕

曲環

崔漢衡

楊朝晟

樊澤

李叔明

裴胄

舊唐書卷一百二十三

列傳第七十三

劉晏

第五琦

班宏

王紹

李巽

舊唐書卷一百二十四

列傳第七十四

薛嵩 子平 嵩弟 粵

令狐彰 子建 運通

田神功 弟神玉

侯希逸

李正己 子道納 宗人 洧師古

舊唐書卷一百二十五

列傳第七十五

張鎰 馮河清附

劉從一

蕭復

柳渾

舊唐書卷一百二十六

列傳第七十六

李揆

李涵

陳少遊

盧慧

裴諤

舊唐書卷一百二十七

列傳第七十七

姚令言

張光晟

源休

喬琳

張涉

蔣鎮

洪經綸

彭偃

舊唐書卷一百二十八

列傳第七十八

段秀實

子伯倫

顏真卿

子穎碩

舊唐書卷一百二十九

列傳第七十九

韓滉

子舉

張延賞

子弘靖

弘靖子文規次宗

舊唐書卷一百三十

列傳第八十

王瓊 道士李國楨附

李泌 子繁 顧況附

崔造

關播 李元平附

舊唐書卷一百三十一

列傳第八十一

李勉

李臯 子象古 道古

舊唐書卷一百三十二

列傳第八十二

李抱玉

李抱貞

王虔休

盧從史

李芑

李澄 族弟元素

舊唐書卷一百三十三

列傳第八十三

李晟 子愿翹 聽憲 憑怒 恭王 儀附

舊唐書卷一百三十四

列傳第八十四

馬燧 子暢 燧兄 炫

渾瑊 子鎬 鐵

舊唐書卷一百三十五

列傳第八十五

盧杞 子元輔

白志真

裴延齡

章渠牟

李齊運

李實

韋執誼

王叔文 王伾附

程异

皇甫鏞 弟鏞

舊唐書卷一百三十六

列傳第八十六

竇參 從子申

齊映

劉滋 從兄贊

盧邁

崔損

齊抗

舊唐書卷一百三十七

列傳第八十七

徐浩 一百四十一

趙涓 子博宣

劉大真

李紆

邵說

于邵

崔元翰

于公異

呂渭 子温恭儉讓

鄭雲逵

李益

李賀

舊唐書卷一百三十八

列傳第八十八

趙憬

章倫

賈耽

姜公輔

舊唐書卷一百三十九

列傳第八十九

陸贄

舊唐書卷一百四十

列傳第九十

韋臯 劉闢附

張建封

盧羣

舊唐書卷一百四十一

列傳第九十一

田承嗣 姪悅 子季安 子緒

田弘正 子布

張孝忠 子茂昭 弟茂宗 茂和 子克勤 陳楚附

舊唐書卷一百四十二

列傳第九十二

李寶臣 子惟岳 惟誠 惟簡
王武俊 子士真 士平 士則

王廷湊 子元逵 元達 子紹鼎 紹懿

舊唐書卷一百四十三

列傳第九十三

李懷仙 朱希彩附

朱滔

劉怱 子濟 子總 澹

程日華 子懷直 子權

李全略 子同捷

舊唐書卷一百四十四

列傳第九十四

尚可孤

李觀

戴休顏

陽惠元

李元諒

韓游瓌

賈隱林

杜希全

尉遲勝

邢君牙

楊朝晟

重見

張敬則

舊唐書卷一百四十五

列傳第九十五

劉玄佐

子士寧
李萬榮附

董晉

陸長源

劉全諒

李忠臣

李希烈

吳少誠

弟少陽
子元濟

舊唐書卷一百四十六

元一百四十六

列傳第九十六

薛播

鮑防

李自良

李說

嚴綬

蕭昕

杜亞

王緯

李若初

于頔

盧徵

楊憑

鄭元

杜兼

裴玢

薛伾

舊唐書卷一百四十七

列傳第九十七

杜黃裳

高郢

子定

杜佑

子式方
從郁子牧

從郁

式方子悰

舊唐書卷一百四十八

列傳第九十八

裴垺

李吉甫

李藩

權德輿 子矜

舊唐書卷一百四十九

列傳第九十九

于休烈

子肅 子琮 肅子敖

令狐峘

歸崇敬

子登 子融

奚陟

張薦

子又新 子讀 希復

蔣乂 子係伸

柳登

弟冕 子璟

沈傳師 子詢

舊唐書卷一百五十

列傳第一百

德宗順宗諸子

舒王誼

通王諶

王虔王諒

蕭王詳

文敬太子諫

資王謙

代王譚

昭王誠

欽王諤

珍王誠

鄒王經

均王緯

漱王縱

莒王紆

密王綢

郇王綜

邵王約

宋王結

集王紉

冀王綽

和王綺

衡王綯

欽王續

會王纁

福王綰

珍王繕

撫王紘

岳王緄

舊

唐

書

目錄

天 中華書局聚

袁王紳

桂王綸

翼王緯

蘄王緝

舊唐書卷一百五十一

列傳第一百一

齊王

高崇文 子承簡

伊慎

朱忠亮

劉昌裔

范希朝

王鐸 子稷

閻巨源

孟元陽

趙昌

王

舊唐書卷一百五十二

王

列傳第一百二

王

馬璘

郝廷玉

王栖曜 子茂元

劉昌 子士涇

李景略

張萬福

高固

郝玘

段佐

史敬奉

野詩良輔附

舊唐書卷一百五十三

列傳第一百三

姚南仲

劉迺

子伯芻 曾孫允章附 孫寬夫 端夫

袁高

段平仲

薛存誠

子廷老 保遜子昭緯 廷老子保遜

盧坦

舊唐書卷一百五十四

列傳第一百四

孔巢父

從子戡 戡戡

許孟容

呂元膺

劉栖楚

張宿

熊望

柏耆

舊唐書卷一百五十五

列傳第一百五

穆寧

子贊質員賞

崔邠

弟邠 鄆 鄆

竇羣

兄常牟 弟庠鞏

李遜

弟建

薛戎

弟放

舊唐書卷一百五十六

列傳第一百六

于頔

韓弘

子公武 李質附

弘弟克

王智興

子晏平 晏宰

舊唐書卷一百五十七

列傳第一百七

王翊

兄翊

郝士美

李鄴

辛祕

馬總

韋弘景

王彥威

舊唐書卷一百五十八

列傳第一百八

武元衡

從父弟儒衡

鄭餘慶

子澣茂林

澣子允謨處誨從讜

韋貫之

兄綬弟纁子澳

舊唐書卷一百五十九

列傳第一百九

衛次公

鄭綱

子祗德祗德子顥

韋處厚

崔羣

路隨

舊唐書卷一百六十

列傳第一百十

韓愈

張籍

孟郊

唐衢

李翱

宇文籍

劉禹錫

柳宗元

韋辭

舊唐書卷一百六十一

列傳第一百十一

李光進 弟光顏

烏重胤

王沛 子逢

李珣

李祐

董重質

楊元卿 子延宗

劉悟 子從諫
孫稹

劉沔

石雄

舊唐書卷一百六十二

列傳第一百十二

潘孟陽

李脩

王遂

曹華

韋綬

鄭權

盧士玟

韓全義

高霞寓

高瑀

崔戎

陸亘

張正甫

子毅夫
毅夫子稜

舊唐書卷一百六十三

列傳第一百十三

孟簡

胡証

崔元略

子鉉
元式

鉉子沆
元儒

元略弟元受

杜元穎

崔弘禮

李虞仲

王質

盧簡辭

兄簡能 弟弘正 簡求 簡求子嗣業 汝弼

舊唐書卷一百六十四

列傳第一百十四

王播

子式 弟炎起 起子龜

李絳

楊於陵

舊唐書卷一百六十五

列傳第一百十五

韋夏卿

王正雅

族孫凝

柳公綽

子仲鄂 孫璧玳 弟公權

崔玄亮

温造

子璋

郭承嘏

殷侗

孫盈孫

徐晦

舊唐書卷一百六十六

列傳第一百十六

元稹 龐嚴附

舊唐書卷一百六十七

列傳第一百十七

趙宗儒

竇易直

李逢吉

段文昌 子成式

宋申錫

李程

舊唐書卷一百六十八

列傳第一百十八

韋溫 蕭祐附

獨孤郁 弟朗

錢徽 子可復

高鉞 弟銖 銜

馮宿 翁定審

封敖

舊唐書卷一百六十九

列傳第一百十九

李訓

鄭注

王涯

王璠

賈餗

舒元興

郭行餘

羅立言

李孝本

舊唐書卷一百七十

列傳第一百二十

裴度

舊唐書卷一百七十一

列傳第一百二十一

李渤

張仲方

裴麟 張皋附

李中敏

李甘

高元裕 兄少逸

李漢

李景儉

舊唐書卷一百七十二

列傳第一百二十二

令狐楚

牛僧孺 子蔚藁

蕭俛

李石 弟福

舊唐書卷一百七十三

列傳第一百二十三

鄭覃

陳夷行

李紳

李回

李珣

李固言

舊唐書卷一百七十四

列傳第一百二十四

李德裕

舊唐書卷一百七十五

列傳第一百二十五

憲宗二十五子

敬宗五子

武宗五子

懿宗八子

昭宗十子

嗣襄王煜
王行瑜附

朱玫

舊唐書卷一百七十六

列傳第一百二十六

李宗閔

穆宗五子

文宗二子

宣宗十一子

僖宗二子

李景

高承

李中

楊嗣復 子授損技拭攜

楊虞卿 弟漢公從兄汝士

李讓夷

馬植

魏蕃

周墀

崔龜從

鄭肅

盧商

舊唐書卷一百七十七

列傳第一百二十七

崔慎由 弟安潛能子彥會伯父能慎由子胤

崔珙 兄瑄璵子澹弟瑒璵子遠璵球

盧鈞

裴休

楊收 兄發嚴子涉弟嚴子鉅鱗

韋保衡

路巖

夏侯孜

劉瞻

劉瑑

曹確

畢誠

杜審權 子讓能弘徽彥林

劉鄴

豆盧瑑

舊唐書卷一百七十八

列傳第一百二十八

趙隱

弟隲
光裔

子光逢
光胤

張禕

子文蔚
貽憲

濟美

李蔚

崔彥昭

鄭畋

盧攜

王徽

舊唐書卷一百七十九

列傳第一百二十九

蕭遘

孔緯

韋昭度

崔昭緯

張濬

朱朴

鄭綮

劉崇望

兄崇龜
崇謨

弟崇魯

徐彥若

陸辰

柳璨

舊唐書卷一百八十

列傳第一百三十一

朱克融

李載義

楊志誠

張仲武

張允伸

張公素

李可舉

李全忠

舊唐書卷一百八十一

列傳第一百三十一

史憲誠

何進滔

韓允忠

樂彥禎

羅弘信

舊唐書卷一百八十二

列傳第一百三十二

王重榮 子珂

王處存 弟處直

諸葛爽

高駢 畢師鐸 秦彥附

時溥 一百八十一

朱瑄 弟瑾

舊唐書卷一百八十三

列傳第一百三十三

外戚

獨孤懷恩

竇德明 姪懷真 族弟孝謹 從父弟維盛 希球 希瓘 希瑾 從父弟維盛 希瑊

長孫敞 從父弟操 趙持滿附

武承嗣 子延秀 從父弟三思 從父弟攸緒 薛懷義附 攸暨妻太平公主 從父弟三思子崇訓 從祖弟懿宗攸暨

韋溫

王仁皎 子守一

吳澈 弟湊

竇覲

柳晟

王子顏

舊唐書卷一百八十四

列傳第一百三十四

宦官

楊思勳

高力士

李輔國

程元振

魚朝恩

劉希暹
賈明觀附

竇文場

霍仙鳴

俱文珍

吐突承瓘

王守澄

田令孜

楊復光

楊復恭

舊唐書卷一百八十五上

舊唐書目錄

中華書局聚

列傳第一百三十五上

夏吏上

章仁壽

陳君賓

張允濟

李桐客

李素立

孫至遠至遠子畬

薛大鼎

賈敦頤

弟敦實

李君球

崔知溫

高智周

田仁會

子歸道

韋機

孫岳岳子景駿

權懷恩

叔祖萬紀

馮元常

弟元淑

蔣儼

王方翼

薛季昶

舊唐書卷一百八十五下

列傳第一百三十五下

良吏下

裴懷古

張知審

兄知玄弟知泰

知晦知默

楊元琰

倪若水

李濬

楊嶠

宋慶禮

姜師度

強循

和逢堯附

潘好禮

楊茂謙

楊瑒

崔隱甫

李尚隱

呂諲

蕭定

蔣沆

薛珏

李惠登

任迪簡

范傳正

袁滋

薛苹

閻濟美

舊唐書卷一百八十六上

列傳第一百三十六上

酷吏上

來俊臣

傅遊藝

索元禮

萬國俊

王弘義

吉頊

舊唐書卷一百八十六下

列傳第一百三十六下

酷吏下

姚紹之

周興

丘神勳

侯思止

來子珣

郭霸

姜瓖

裴君玉

裴君玉

裴君玉

周利貞

王旭

吉温 王鈞附
嚴安之

羅希奭

毛若虛

敬羽 裴昇 畢耀附

舊唐書卷一百八十七上

列傳第一百三十七上

忠義上

夏侯端

劉感

常達

羅士信

呂子臧

張道源 族子楚全附

李公逸

張善相

李玄通

敬君弘

馮立

謝叔方

王義方

成三郎

尹元貞

高叡

子仲舒

崔琳附

王同皎

周憬附

蘇安恆

俞文俊

王求禮

燕欽融

郎岌附

安金藏

舊唐書卷一百八十七下

列傳第一百三十七下

忠義下

李愷

子源彭
彭孫景讓

張介然

崔無詖

盧奕

蔣清

顏杲卿

子泉明

薛愿

龐堅附

張巡

姚閻附

許遠

程千里

袁光庭

邵真

符璘

趙曄

石演芬 張名振附

張伾

甄濟

劉敦儒

高沐

賈直言

庾敬休

辛讜

舊唐書卷一百八十八

列傳第一百三十八

孝友

李知本

張志寬

劉君良 宋興貴
張公藝附

王君操 周智壽
許坦
王少玄附

趙弘智

陳集原

元讓

裴敬彝

裴守真 子子餘

李日知

珍做宋版印

崔沔

陸南金

弟趙璧

張琇

兄璵

梁文貞

李處恭 張義貞
呂元簡附

崔衍

丁公著

羅讓

舊唐書卷一百八十九上

列傳第一百三十九上

儒學上

徐文遠

陸德明

曹憲

許淹 李善公
孫羅附

歐陽詢

子通

朱子奢

張士衡

賈公彥

李玄植附

張後胤

蓋文達

宗人文懿

谷那倖

蕭德言

許叔牙

子子儒

敬播

劉伯莊

子之宏

秦景通

羅道琮

舊唐書卷一百八十九下

列傳第一百三十九下

儒學下

邢文偉

高子貢

郎餘令

路敬淳

王元感

王紹宗

章叔夏

祝欽明

郭山暉

柳冲

盧粲

尹知章

孫季良附

徐岱

蘇弁

兄袞冕

陸質

馮伉

韋表微

許康佐

舊唐書卷一百九十上

列傳第一百四十上

文苑上

孔紹安

子積
孫若思

袁朗

弟承序
孫誼

利貞

賀德仁

庾抱宗

蔡允恭

鄭世翼

謝偃

崔信明

張蘊古

劉胤之

弟延祐
子藏器

張昌齡

崔行功

孟利貞

董思恭

元思敬

徐齊暉

杜易簡

從祖弟審言

盧照隣

楊炯

王勃 兄勳勔

駱賓王

鄧玄挺

舊唐書卷一百九十中

列傳第一百四十中

文苑中

郭正一

元萬頃

范履冰 周思茂

苗神客 胡楚賓附

喬知之

弟侶備 劉希夷附

劉允濟

富嘉謨

吳少微 谷倚附

員半千

丘悅附

劉憲

王適 梁載言附 司馬鏗

沈佺期

弟全交

陳子昂

閻丘均附

宋之問

閻朝隱

王無競 尹元凱附 李適

賈曾

子至

許景先

賀知章

賀朝萬 邢巨

包融 齊融

李登 張若虛附

席豫

徐安貞附

齊澣

王澣

李邕

孫逖 子成

舊唐書卷一百九十下

列傳第一百四十下

文苑下

李華

蕭穎士

李翰附

陸據

崔顥

王昌齡

孟浩然

元德秀

王維

李白

杜甫

吳通玄

兄通微

王仲舒

崔咸

唐次

子扶持子彥謙

劉蕡

李商隱

温庭筠

薛逢 子廷珪

李拯

李巨川

司空圖

舊唐書卷一百九十一

列傳第一百四十一

方伎

崔善爲

薛頤

甄權 第立言

宋俠

許胤宗

乙弗弘禮

袁天綱

孫思邈

明崇儼

張憬藏

李嗣貞

張文仲

李虔縱
韋慈藏附

尚獻甫

裴知古附

孟詵

嚴善思

金梁鳳

張果

葉法善

僧玄奘

神秀 慧能 普寂義福附

一行 泓附

桑道茂

舊唐書卷一百九十二

列傳第一百四十二

隱逸

王績

田遊巖

史德義

王友貞

盧鴻一

王希夷

衛大經

李元愷

王守慎

徐仁紀

孫處玄

白履忠

王遠知

潘師正

劉道合

司馬承禎

吳筠

孔述睿

子敏行

陽城

崔覲

舊唐書卷一百九十三

列傳第一百四十三

列女

李德武妻裴氏

楊慶妻王氏

獨孤師仁乳母王氏附

楊三安妻李氏

魏衡妻王氏

樊會仁母敬氏

絳州孝女衛氏

濮州孝女賈氏

鄭義宗妻盧氏

劉寂妻夏侯氏

楚王靈龜妃上官氏

楊紹宗妻王氏

于敏直妻張氏

冀州女子王氏

樊彥琛妻魏氏

鄒保英妻奚氏 古玄應妻 高氏附

宋庭瑜妻魏氏

崔繪妻盧氏

奉天縣竇氏二女

盧甫妻李氏 王泛妻 裴氏附

鄒待徵妻薄氏

李湍妻

董昌齡母楊氏

韋雍妻蘭陵縣君蕭氏

衡方厚妻武昌縣君程氏

女道士李玄真

孝女王和子 鄭神佐 女附

舊唐書卷一百九十四上

列傳第一百四十四上

突厥上

舊唐書卷一百九十四下

列傳第一百四十四下

突厥下

舊唐書卷一百九十五

列傳第一百四十五

迴紇

舊唐書卷一百九十六上

列傳第一百四十六上

吐蕃上

舊唐書卷一百九十六下

列傳第一百四十六下

吐蕃下

舊唐書卷一百九十七

列傳第一百四十七

南蠻

林邑

西南蠻

婆利

盤盤

真臘

南陀洹

訶陵

墮和羅

墮婆登

東謝蠻

西趙蠻

牂柯蠻

南平獠

東女國

南詔蠻

驃國

舊唐書卷一百九十八

列傳第一百四十八

西戎一百六十六

泥婆羅

党項羌

高昌

吐谷渾

焉耆

龜茲

疎勒

于闐

天竺

罽賓

康國

波斯

拂菻

大食

舊唐書卷一百九十九上

列傳第一百四十九上

東夷

高麗

百濟

新羅

倭國

日本

舊唐書卷一百九十九下

列傳第一百四十九下

北狄

舊

唐

書

目錄

聖

中華書局聚

鐵勒

契丹

奚

室韋

靺鞨

渤海靺鞨

霫

烏羅渾

舊唐書卷二百上

列傳第一百五十一上

安祿山

子慶緒

高尙

孫孝哲

史思明

朝義

舊唐書卷二百下

列傳第一百五十二下

朱泚

黃巢

秦宗權

舊唐書目錄

舊唐書卷一

後晉司空同中書門下平章事劉昫撰

本紀第一

高祖

高祖神堯大聖大光孝皇帝姓李氏諱淵其先隴西狄道人涼武昭王暉七代孫也暉生畝畝生重耳仕魏爲弘農太守重耳生熙爲金門鎮將領豪傑鎮武川因家焉儀鳳中追尊宣皇帝熙生天錫仕魏爲幢主大統中贈司空儀鳳中追尊光皇帝皇祖諱虎後衛左僕射封隴西郡公與周文帝及太保李弼大司馬獨孤信等以功參佐命當時稱爲八柱國家仍賜姓大野氏周受禪追封唐國公諡曰襄至隋文帝作相還復本姓武德初追尊景皇帝廟號太祖陵曰永康皇考諱昞周安州總管柱國大將軍襲唐國公諡曰仁武德初追尊元皇帝廟號世祖陵曰興寧高祖以周天和元年生於長安七歲襲唐國公及長個儻豁達任性真率寬仁容衆無貴賤咸得其歡心隋受禪補千牛備身文帝獨孤

皇后卽高祖從母也由是特見親愛累轉譙隴岐三州刺史有史世良者善相人謂高祖曰公骨法非常必爲人主願自愛勿忘鄙言高祖頗以自負大業初爲滎陽樓煩二郡太守徵爲殿內少監九年遷衛尉少卿遼東之役督運於懷遠鎮及楊玄感反詔高祖馳驛鎮弘化郡兼知關右諸軍事高祖歷試中外素樹恩德及是結納豪傑衆多款附時煬帝多所猜忌人懷疑懼會有詔徵高祖詣行在所遇疾未謁時甥王氏在後宮帝問曰汝舅何遲王氏以疾對帝曰可得死否高祖聞之益懼因縱酒沉湎納賄以混其迹焉十一年煬帝幸汾陽宮命高祖往山西河東黜陟討捕師次龍門賊帥母端兒帥衆數千薄於城下高祖從十餘騎擊之所射七十發皆應弦而倒賊乃大潰十二年遷右驍衛將軍十三年爲太原留守郡丞王威武牙郎將高君雅爲副將羣賊蜂起江都阻絕太宗與晉陽令劉文靜首謀勸舉義兵俄而馬邑校尉劉武周據汾陽宮舉兵反太宗與王威高君雅將集兵討之高祖乃命太宗與劉文靜及門下客長孫順德劉弘基各募兵旬日間衆且一萬密遣使召世子建成及元吉于河東威

君雅見兵大集恐高祖爲變相與疑懼請高祖祈雨於晉祠將爲不利晉陽鄉長劉世龍知之以告高祖高祖陰爲之備五月甲子高祖與威君雅視事太宗密嚴兵於外以備非常遣開陽府司馬劉政會告威等謀反卽斬之以徇遂起義兵甲戌遣劉文靜使於突厥始畢可汗令率兵相應六月甲申命太宗將兵徇西河下之癸巳建大將軍府并置三軍分爲左右以世子建成爲隴西公左領大都督左統軍隸焉太宗爲燉煌公右領大都督右統軍隸焉裴寂爲大將軍府長史劉文靜爲司馬石艾縣長殷開山爲掾劉政會爲屬長孫順德劉弘基竇琮等分爲左右統軍開倉庫以賑窮乏遠近響應秋七月壬子高祖率兵西圖關中以元吉爲鎮北將軍太原留守癸丑發自太原有兵三萬丙辰師次靈石縣營於賈胡堡隋武牙郎將宋老生屯霍邑以拒義師會霖雨積旬餽運不給高祖命旋師太宗切諫乃止有白衣老父詣軍門曰余爲霍山神使謁唐皇帝曰八月雨止路出霍邑東南吾當濟師高祖曰此神不欺趙無恤豈負我哉八月辛巳高祖引師趨霍邑斬宋老生平霍邑丙戌進下臨汾郡及絳郡癸

已至龍門突厥始畢可汗遣康稍利率兵五百人馬二千疋與劉文靜會于麾下隋驍衛大將軍屈突通鎮河東津梁斷絕關中向義者頗以爲阻河東水濱居人競進舟楫不謀而至前後數百人九月壬寅馮翊賊帥孫華土門賊帥白玄度各率其衆送款并具舟楫以待義師高祖令華與統軍王長諧劉弘基引兵渡河屈突通遣其武牙郎將桑顯和率衆數千夜襲長諧義師不利太宗以遊騎數百掩其後顯和潰散義軍復振丙辰馮翊太守蕭造以郡來降戊午高祖親率衆圍河東屈突通自守不出乃命攻城不利而還文武將吏請高祖領太尉加置僚佐從之華陰令李孝常以永豐倉來降庚申高祖率軍濟河舍于長春宮三秦士庶至者日以千數高祖禮之咸過所望人皆喜悅丙寅遣隴西公建成司馬劉文靜屯兵永豐倉兼守潼關以備他盜太宗率劉弘基長孫順德等前後數萬人自渭北徇三輔所至皆下高祖從弟父神通起兵鄠縣柴氏婦舉兵於司竹至是並與太宗會鄜縣賊帥丘師利李仲文整屋賊帥何潘仁等合衆數萬來降乙亥命太宗自渭汭屯兵阿城隴西公建成自新豐趣霸上

高祖率大軍自下邳西上經煬帝行宮園苑悉罷之宮女放還親屬冬十月辛巳至長樂宮有衆二十萬京師留守刑部尚書衛文昇右翊衛將軍陰世師京兆郡丞滑儀挾代王侑以拒義師高祖遣使至城下諭以匡復之意再三皆不報諸將固請圍城十一月丙辰攻拔京城衛文昇先已病死以陰世師滑儀等拒義兵並斬之癸亥率百僚備法駕立代王侑爲天子遙尊煬帝爲太上皇大赦改元爲義寧甲子隋帝詔加高祖假黃鉞使持節大都督內外諸軍事大丞相進封唐王總錄萬機以武德殿爲丞相府改教爲令以隴西公建成爲唐國世子太宗爲京兆尹改封秦公姑臧公元吉爲齊公十二月癸未丞相府置長史司錄已下官僚金城賊帥薛舉寇扶風命太宗爲元帥擊之遣趙郡公孝恭招慰山南所至皆下癸巳太宗大破薛舉之衆於扶風屈突通自潼關奔東都劉文靜等追擒於闕鄉虜其衆數萬河池太守蕭瑀以郡降丙午遣雲陽令詹俊武功縣正李仲哀徇巴蜀下之二年春正月戊辰世子建成爲撫寧大將軍東討元帥太宗爲副總兵七萬徇地東都二月清河賊帥竇建德僭稱長樂王

吳興人沈法興據丹陽起兵三月丙辰右屯衛將軍宇文化及弒隋太上皇於江都宮立秦王浩爲帝自稱大丞相徙封太宗爲趙國公戊辰隋帝進高祖相國總百揆備九錫之禮唐國置丞相以下立皇高祖已下四廟於長安通義里第夏四月辛卯停竹使符頒銀莢符於諸郡戊戌世子建成及太宗自東都班師五月乙巳天子詔高祖冕十有二旒建天子旌旗出警入蹕王后王女爵命之號一遵舊典戊午隋帝詔曰天禍隋國大行太上皇遇盜江都酷甚望夷豐深驪北憫予小子奄造不愆哀號永感心情麤潰仰惟荼毒仇復靡申形影相弔罔知啓處相國唐王膺期命世扶危拯溺自北徂南東征西怨致九合於諸侯決百勝於千里糾率夷夏大庇毗黎保乂朕躬繫王是賴德侔造化功格蒼旻兆庶歸心曆數斯在屈爲人臣載違天命在昔虞夏揖讓相推苟非重華誰堪命禹當今九服崩離三靈改卜大運去矣請避賢路北謀布德顧己莫能私僮命駕須歸藩國予本代王及予而代天之所廢豈其如是庶憑稽古之聖以誅四凶幸值惟新之恩預充三恪雪冤恥於皇祖守禋祀爲孝孫朝聞夕殞及

泉無恨今遵故事遜于舊邸庶官羣辟改事唐朝宜依前典趨上尊號若釋重
負感泰兼懷假手真人俾除醜逆濟濟多士明知朕意仍勅有司凡有表奏皆
不得以聞遣使持節兼太保刑部尚書光祿大夫梁郡公蕭造兼太尉司農少
卿裴之隱奉皇帝璽綬于高祖高祖辭讓百寮上表勸進至于再三乃從之隋
帝遜于舊邸改大興殿爲太極殿甲子高祖卽皇帝位於太極殿命刑部尚書
蕭造兼太尉告於南郊大赦天下改隋義寧二年爲唐武德元年官人百姓賜
爵一級義師所行之處給復三年罷郡置州改太守爲刺史丁卯宴百官于太
極殿賜帛有差東都留守官共立隋越王侗爲帝壬申命相國長史裴寂等脩
律令六月甲戌太宗爲尚書令相國府長史裴寂爲尚書右僕射相國府司馬
劉文靜爲納言隋民部尚書蕭瑀相國府司錄竇威並爲內史令廢隋大業律
令頒新格己卯備法駕迎皇高祖宣簡公已下神主祔於太廟追諡妃竇氏爲
太穆皇后陵曰壽安庚辰立世子建成爲皇太子封太宗爲秦王齊國公元吉
爲齊王封宗室蜀國公孝基爲永安王柱國公道玄爲淮陽王長平公叔良爲

長平王鄭國公神通爲永康王安吉公神符爲襄邑王柱國德良爲長樂王上
開府道素爲竟陵王上柱國博又爲隴西王奉慈爲渤海王諸州總管加號使
持節癸未封隋帝爲鄴國公薛舉寇涇州命秦王爲西討元帥征之改封永康
王神通爲淮安王壬辰加秦王雍州牧餘官如故辛丑內史令竇威卒秋七月
丙午刑部尙書蕭造爲太子太保追封皇子玄霸爲衛王西突厥遣使內附秦
王與薛舉大戰於涇州我師敗績八月壬午薛舉死其子仁果復僭稱帝命秦
王爲元帥以討之丁亥詔曰隋太常卿高頰上柱國賀若弼並抗節不阿矯枉
無撓司隸大夫薛道衡刑部尙書宇文弼左翊衛將軍董純並懷忠抱義以陷
極刑宜從褻飾以慰泉壤頰可贈上柱國鄴國公弼贈上柱國杞國公各令有
司加諡道衡贈上開府臨河縣公弼贈上開府平昌縣公純贈柱國狄道縣公
又詔曰隋右驍衛大將軍李金才左光祿大夫李敏並鼎族高門元功世胄橫
受屠殺朝野稱冤然李氏將興天祚有應冥契深隱妄肆誅夷朕受命君臨志
存刷蕩申冤旌善無忘寤寐金才可贈上柱國申國公敏可贈柱國觀國公又

前代酷濫子孫被流者並放還鄉里涼州賊帥李軌以其地來降拜涼州總管封涼王九月乙巳親錄囚徒改銀莧符爲銅魚符辛未追諡隋太上皇爲煬帝宇文化及至魏州鳩殺秦王浩僭稱天子國號許冬十月壬申朔日有蝕之李密率衆來降封皇從父弟襄武公琛爲襄武王黃臺公瑗爲廬江王癸巳詔行傳仁均所造戊寅曆十一月己酉以京師穀貴令四面入關者車馬牛驢各給課米充其自食秦王大破薛仁果於淺水原降之隴右平乙巳涼王李軌僭稱天子於涼州詔頒五十三條格以約法緩刑十二月壬申加秦王太尉陝東道大行臺丁丑封上柱國李孝常爲義安王庚子李密反於桃林行軍總管盛彥師追討斬之

二年春正月乙卯初令文官遭父母喪者聽去職黃門侍郎陳叔達兼納言二月丙戌詔天下諸宗人無職任者不在徭役之限每州置宗師一人以相統攝丁酉竇建德攻宇文化及于聊城斬之傳首突厥閏月辛丑劉武周侵我并州己酉李密舊將徐世勳以黎陽之衆及河南十郡降授黎州總管封曹國公賜

姓李氏庚戌上微行都邑以察吐俗卽日還宮甲寅賊帥朱粲殺我使散騎常侍段確奔洛陽夏四月乙巳王世充篡越王侗位僭稱天子國號鄭辛亥李軌爲其僞尙書安興貴所執以降河右平突厥始畢可汗死五月己卯鄴國公薨追崇爲隋帝諡曰恭六月戊寅令國子學立周公孔子廟四時致祭仍博求其後癸亥尙書右僕射裴寂爲晉州道行軍總管以討劉武周秋七月壬申置十二軍以關內諸府分隸焉王世充遣其將羅士信侵我穀州士信率其衆來降西突厥葉護可汗及高昌並遣使朝貢九月辛未賊帥李子通據江都僭稱天子國號吳沈法興據毗陵僭稱梁王丁丑和州賊帥杜伏威遣使來降授和州總管東南道行臺尙書令封楚王裴寂與劉武周將宋金剛戰於介州我師敗績右武衛大將軍姜寶誼死之并州總管齊王元吉懼武周所逼奔於京師并州陷乙未京師地震冬十月己亥封幽州總管羅藝爲燕郡王賜姓李氏黃門侍郎楊恭仁爲納言殺民部尙書魯國公劉文靜乙卯討劉武周軍于蒲州爲諸軍聲援壬子劉武周進圍晉州甲子上親祠華岳十一月丙子竇建德陷黎

陽盡有山東之地淮安王神通左武侯大將軍李世勣皆沒於賊十二月丙申永安王孝基工部尚書獨孤懷恩總管于筠爲劉武周將宋金剛掩襲並沒焉甲辰狩于華山壬子大風拔木

三年春正月辛巳幸蒲州命祀舜廟癸巳至自蒲州甲午李世勣於寶建德所自拔歸國建德僭稱夏王二月丁酉京師西南地有聲如山崩庚子幸華陰工部尚書獨孤懷恩謀反伏誅三月癸酉西突厥葉護可汗高昌王麴伯雅遣使朝貢突厥貢條支巨鳥己卯改納言爲侍中內史令爲中書令給事郎爲給事
中甲戌內史侍郎封德彝兼中書令封賊帥劉孝真爲彭城王賜姓李氏夏四月壬寅至自華陰於益州置行臺尚書省甲寅加秦王益州道行臺尚書令秦王大破宋金剛於介州金剛與劉武周俱奔突厥遂平并州僞總管尉遲敬德尋相以介州降六月壬辰徙封楚王杜伏威爲吳王賜姓李氏加授東南道行臺尚書令丙午親錄囚徒封皇子元景爲趙王元昌爲魯王元亨爲鄴王皇孫承宗爲太原王承道爲安陸王承乾爲恆山王恪爲長沙王泰爲宜都王秋七

月壬戌命秦王率諸軍討王世充遣皇太子鎮蒲州以備突厥丙申突厥殺劉武周於白道冬十月庚子懷戎賊帥高開道遣使降授蔚州總管封北平郡王賜姓李氏

四年春正月丁卯竇建德行臺尙書令胡大恩以大安鎮來降封定襄郡王賜姓李氏辛巳命皇太子總統諸軍討稽胡三月徙封宜都王泰爲衛王竇建德來援王世充攻陷我管州夏四月甲寅封皇子元方爲周王元禮爲鄭王元嘉爲宋王元則爲荆王元茂爲越王初置都護府官員五月己未秦王大破竇建德之衆於武牢擒建德河北悉平丙寅王世充舉東都降河南平秋七月甲子秦王凱旋獻俘於太廟丁卯大赦天下廢五銖錢行開元通寶錢斬竇建德於市流王世充於蜀未發爲讎人所害甲戌建德餘黨劉黑闥據漳反置山東道行臺尙書省於洛州八月兗州總管徐圓朗舉兵反以應劉黑闥僭稱魯王冬十月乙丑加秦王天策上將位在王公上領司徒陝東道大行臺尙書令齊王元吉爲司空乙巳趙郡王孝恭平荊州獲蕭銑十一月甲申於洛州置大行臺

廢洛州都督府庚寅焚都督紫微宮乾陽殿會稽賊帥李子通以其地來降十
二月丁卯命秦王及齊王元吉討劉黑闥壬申徙封宋王元嘉爲徐王
五年春正月丙申劉黑闥據洛州僭稱漢東王三月丁未秦王破劉黑闥於洛
水上盡復所陷州縣黑闥亡奔突厥蔚州總管北平王高開道叛寇易州夏四
月庚戌秦王還京師高祖迎勞於長樂宮壬申代州總管定襄郡王大恩爲虜
所敗戰死六月劉黑闥引突厥寇山東置諫議大夫官員秋七月丁亥吳王伏
威來朝隋漢陽太守馮盎以南越之地來降嶺表悉定八月辛亥以洛荆并幽
交五州爲大總管府改封恆山王承乾爲中山王葬隋煬帝於揚州丙辰突厥
頡利寇鴈門己未進寇朔州遣皇太子及秦王討擊大敗之冬十月癸酉遣齊
王元吉擊劉黑闥於洛州時山東州縣多爲黑闥所守所在殺長吏以應之行
軍總管淮陽王道玄與黑闥戰于下博道玄敗沒十一月甲申命皇太子率兵
討劉黑闥丙申幸宜州簡閱將士十二月丙辰校獵於華池庚申至自宜州皇
太子破劉黑闥於魏州斬之山東平

六年春正月吳王杜伏威爲太子太保二月辛亥校獵於驪山三月乙未幸昆明池宴百官夏四月己未舊宅改爲通義宮曲赦京城繫囚於是置酒高會賜從官帛各有差癸酉以尙書右僕射魏國公裴寂爲左僕射中書令宋國公蕭瑀爲右僕射侍中觀國公楊恭仁爲吏部尙書秋七月突厥頡利寇朔州遣皇太子及秦王屯并州以備之八月壬子東南道行臺僕射輔公祏據丹陽反僭稱宋王遣趙郡王孝恭及嶺南道大使永康縣公李靖討之丙寅吐谷渾內附九月丙子突厥退皇太子班師改東都爲洛州高開道引突厥寇幽州冬十月幸華陰十一月校獵於沙苑十二月乙巳以奉義監爲龍躍宮武功宅爲慶善宮甲寅至自華陰

七年春正月己酉封高麗王高武爲遼東郡王百濟王扶餘璋爲帶方郡王新羅王金真平爲樂浪郡王二月高開道爲部將張金樹所殺以其地降丁巳幸國子學親臨釋奠改大總管府爲大都督府吳王伏威薨三月戊寅廢尙書省六司侍郎增吏部郎中秩正四品掌選事戊戌趙郡王孝恭大破輔公祏擒之

丹陽平夏四月庚子大赦天下頒行新律令以天下大定詔遭父母喪者聽終制五月造仁智宮於宜州之宜君縣李世勣討徐圓朗平之六月辛丑幸仁智宮秋七月甲午至自仁智宮嵩州地震山崩江水咽流八月戊辰突厥寇并州京師戒嚴壬午突厥退乙未京師解嚴冬十月丁卯幸慶善宮癸酉幸終南山謁老子廟十一月戊辰校獵於高陵庚午至自慶善宮

八年春二月己巳親錄囚徒多所原宥夏四月造太和宮於終南山六月甲子幸太和宮突厥寇定州命皇太子往幽州秦王往并州以備突厥八月并州道總管張公謹與突厥戰於太谷王師敗績中書令溫彥博沒於賊九月突厥退冬十月辛巳幸周氏陂校獵因幸龍躍宮十一月辛卯幸宜州庚子講武於同官縣改封蜀王元軌爲吳王漢王元慶爲陳王加授秦王中書令齊王元吉侍中天策上將府司馬宇文士及權檢校侍中十二月辛酉至自宜州

九年春正月丙寅命州縣修城隍備突厥尙書左僕射魏國公裴寂爲司空二月庚申加齊王元吉爲司徒戊寅親祠社稷三月辛卯幸昆明池夏五月辛巳

以京師寺觀不甚清淨詔曰釋迦闡教清淨爲先遠離塵垢斷除貪慾所以弘宣勝業修植善根開導愚迷津梁品庶是以敷演經教檢約學徒調懺身心捨諸染著衣服飲食咸資四輩自覺王遷謝像法流行末代陵遲漸以虧濫乃有猥賤之侶規自尊高浮惰之人苟避徭役妄爲剃度託號出家嗜慾無厭營求不息出入閭里周旋闐闐驅策田產聚積貨物耕織爲生估販成業事同編戶迹等齊人進違戒律之文退無禮典之訓至乃親行劫掠躬自穿窬造作妖訛交通豪猾每罹憲網自陷重刑黷亂真如傾毀妙法譬茲稂莠有穢嘉苗類彼淤泥混夫清水又伽藍之地本日淨居栖心之所理尙幽寂近代以來多立寺舍不求閑曠之境唯趨喧雜之方繕采崎嶇棟宇殊拓錯舛隱匿誘納姦邪或有接延鄽邸鄰近屠酤埃塵滿室羶腥盈道徒長輕慢之心有虧崇敬之義且老氏垂化本實沖虛養志無爲遺情物外全真守一是謂玄門驅馳世務尤乖宗旨朕膺期馭宇興隆教法志思利益情在護持欲使玉石區分薰蕕有辨長存妙道永固福田正本澄源宜從沙汰諸僧尼道士女冠等有精勤練行守戒

律者並令大寺觀居住給衣食勿令乏短其不能精進戒行者有闕不堪供養者並令罷遣各還桑梓所司明爲條式務依法教違制之事悉宜停斷京城留寺三所觀二所其餘天下諸州各留一所餘悉罷之事竟不行六月庚申秦王以皇太子建成與齊王元吉同謀害己率兵誅之詔立秦王爲皇太子總統萬機大赦天下八月癸亥詔傳位于皇太子尊帝爲太上皇徙居弘義宮改名太安宮貞觀八年三月甲戌高祖讌西突厥使者於兩儀殿顧謂長孫無忌曰當今蠻夷率服古未嘗有無忌上千萬歲壽高祖大悅以酒賜太宗太宗又奉觴上壽流涕而言曰百姓獲安四夷咸附皆奉遵聖旨豈臣之力於是太宗與文德皇后互進御膳并上服御衣物一同家人常禮是歲閱武於城西高祖親自臨視勞將士而還置酒於未央宮三品已上咸侍高祖命突厥頡利可汗起舞又遣南越酋長馮智戴詠詩旣而笑曰胡越一家自古未之有也太宗奉觴上壽曰臣早蒙慈訓教以文道爰從義旗平定京邑重以薛舉武周世充建德皆上稟睿算幸而尅定三數年間混一區宇天慈崇寵遂蒙重任今上天垂祐時

和歲皇被髮左衽並爲臣妾此豈臣智力皆由上稟聖算高祖大悅羣臣皆呼萬歲極夜方罷九年五月庚子高祖大漸下詔既殯之後皇帝宜於別所視軍國大事其服輕重悉從漢制以日易月園陵制度務從儉約是日崩於太安宮之垂拱前殿年七十羣臣上諡曰大武皇帝廟號高祖十月庚寅葬於獻陵高宗上元元年八月改上尊號曰神堯皇帝天寶十三年二月上尊號神堯大聖大光孝皇帝

史臣曰有隋季年皇圖板蕩荒主燿燎原之焰羣盜發逐鹿之機殄暴無厭橫流靡救高祖審獨夫之運去知新主之勃興密運雄圖未伸龍躍而屈己求可汗之援卑辭答李密之書決神機而速若疾雷驅豪傑而從如偃草洎謳謠允屬揖讓受終刑名大剗于煩苛爵位不踰於邁軸繇是攫金有恥伏莽知非人懷漢道之寬平不責高皇之慢罵然而優柔失斷浸潤得行誅文靜則議法不從酬裴寂則曲恩太過姦佞由之貝錦嬖幸得以掇蜂獻公遂間於申生小白寧懷於召忽一旦兵交愛子矢集申孫匈奴尋犯於便橋京邑咸憂於左衽不

有聖子王業殆哉

贊曰高皇創圖勢若摧枯國運神武家難聖謨言生牀第禍切肌膚鴟鴞之詠
無損於吾

舊唐書卷一

舊

唐

書

卷一

本紀

十一

中華書局聚

舊唐書卷一考證

高祖本紀高祖神堯大聖光孝皇帝○沈炳震曰高祖初謚大武皇帝高宗上元元年改上尊號曰神堯皇帝天寶八載謚神堯大聖皇帝十三載上尊號神堯大聖大光孝皇帝書中諸帝俱從十三載所上尊號而高祖獨從八載所謚故亦增入大光孝大字以昭畫一臣宗萬按高祖本紀與溫大雅創業起居注所載略同紀蓋本諸此也惟月日參差當以通鑑爲準

清河賊帥竇建德僭稱長樂王○臣德潛按建德傳大業十三年建德自稱長

樂王歲在丁丑故建元丁丑隋書煬帝本紀同次年稱夏王乃武德元年此云元年稱長樂王三年稱夏王俱誤

李軌爲其僞尙書安興貴所執以降○沈炳震曰新書作安修仁軌本傳與新書同綱目作安興貴

五年十二月皇太子破劉黑闥于魏州斬之○沈炳震曰新書六年正月葛德威執黑闥以降二月斬之舊書劉黑闥傳同當從新書

舊唐書卷二

後晉司空同中書門下平章事劉昫撰

本紀第二

太宗上

太宗文武大聖大廣孝皇帝諱世民高祖第二子也母曰太穆順聖皇后竇氏
隋開皇十八年十二月戊午生於武功之別館時有二龍戲於館門之外三日
而去高祖之臨岐州太宗時年四歲有書生自言善相謁高祖曰公貴人也且
有貴子見太宗曰龍鳳之姿天日之表年將二十必能濟世安民矣高祖懼其
言泄將殺之忽失所在因採濟世安民之義以爲名焉太宗幼聰睿玄鑒深遠
臨機果斷不拘小節時人莫能測也大業末煬帝於鴈門爲突厥所圍太宗應
募救援隸屯衛將軍雲定興營將行謂定興曰必賫旗鼓以設疑兵且始畢可
汗舉國之師敢圍天子必以國家倉卒無援我張軍容令數十里幡旗相續夜
則鉦鼓相應虜必謂救兵雲集望塵而遁矣不然彼衆我寡悉軍來戰必不能

支矣定興從焉師次崞縣突厥候騎馳告始畢曰王師大至由是解圍而遁及高祖之守太原太宗時年十八有高陽賊帥魏刁兒自號歷山飛來攻太原高祖擊之深入賊陣太宗以輕騎突圍而進射之所向皆披靡拔高祖於萬衆之中適會步兵至高祖與太宗又奮擊大破之時隋祚已終太宗潛圖義舉每折節下士推財養客羣盜大俠莫不願効死力及義兵起乃率兵略徇西河尅之拜右領大都督右三軍皆隸焉封燉煌郡公大軍西上賈胡堡隋將宋老生率精兵二萬屯霍邑以拒義師會久雨糧盡高祖與裴寂議且還太原以圖後舉太宗曰本興大義以救蒼生當須先入咸陽號令天下遇小敵卽班師將恐從義之徒一朝解體還守太原一城之地此爲賊耳何以自全高祖不納促令引發太宗遂號泣於外聲聞帳中高祖召問其故對曰今兵以義動進戰則必尅退還則必散衆散於前敵乘於後死亡須臾而至是以悲耳高祖乃悟而止八月己卯雨霽高祖引師趣霍邑太宗恐老生不出戰乃將數騎先詣其城下舉鞭指麾若將圍城者以激怒之老生果怒開門出兵背城而陣高祖與建合成

陣於城東太宗及柴紹陣於城南老生麾兵疾進先薄高祖而建成墜馬老生乘之高祖與建成軍咸却太宗自南原率二騎馳下峻坂衝斷其軍引兵奮擊賊衆大敗各捨仗而走懸門發老生引繩欲上遂斬之平霍邑至河東關中豪傑爭走赴義太宗請進師入關取永豐倉以賑窮乏收羣盜以圖京師高祖稱善太宗以前軍濟河先定渭北三輔吏民及諸豪猾詣軍門請自効者日以千計扶老攜幼滿於麾下收納英俊以備僚列遠近聞者咸自託焉師次于涇陽勝兵九萬破胡賊劉鷄子并其衆留殷開山劉弘基屯長安故城太宗自趣司竹賊帥李仲文何潘仁向善志等皆來會頓于阿城獲兵十三萬長安父老賈牛酒詣旌門者不可勝紀勞而遣之一無所受軍令嚴肅秋毫無所犯尋與大軍平京城高祖輔政受唐國內史改封秦國公會薛舉以勁卒十萬來逼渭濱太宗親擊之大破其衆追斬萬餘級略地至于隴坻義寧元年十二月復爲右元帥總兵十萬徇東都及將旋謂左右曰賊見吾還必相追躡設三伏以待之俄而隋將段達率萬餘人自後而至度三王陵發伏擊之段達大敗追奔至于

城下因於宜陽新安置熊穀二州戍之而還徙封趙國公高祖受禪拜尙書令右武侯大將軍進封秦王加授雍州牧武德元年七月薛舉寇涇州太宗率衆討之不利而旋九月薛舉死其子仁杲嗣立太宗又爲元帥以擊仁杲相持於折墟城深溝高壘者六十餘日賊衆十餘萬兵鋒甚銳數來挑戰太宗按甲以挫之賊糧盡其將牟君才梁胡郎來降太宗謂諸將軍曰彼氣衰矣吾當取之遣將軍龐玉先陣於淺水原南以誘之賊將宗羅睺併軍來拒玉軍幾敗旣而太宗親御大軍奄自原北出其不意羅睺望見復迴師相拒太宗將驍騎數十入賊陣於是王師表裏齊奮羅睺大潰斬首數千級投澗谷而死者不可勝計太宗率左右二十餘騎追奔直趣折墟以乘之仁杲大懼嬰城自守將夕大軍繼至四面合圍詰朝仁杲請降俘其精兵萬餘人男女五萬口旣而諸將奉賀因問曰始大王野戰破賊其主尙保堅城王無攻具輕騎騰逐不待步兵徑薄城下咸疑不尅而竟下之何也太宗曰此以權道迫之使其計不暇發以故尅也羅睺恃往年之勝兼復養銳日久見吾不出意在相輕今喜吾出悉兵來戰

雖擊破之擒殺蓋少若不急躡還走投城仁杲收而撫之則便未可得矣且其兵衆皆隴西人一敗披退不及迴顧散歸隴外則折塢自虛我軍隨而迫之所以懼而降也此可謂成算諸君盡不見耶諸將曰此非凡人所能及也獲賊兵精騎甚衆還令仁杲兄弟及賊帥宗羅睽翟長孫等領之太宗與之遊獵馳射無所問然賊徒荷恩懾氣咸願効死時李密初附高祖令密馳傳迎太宗於豳州密見太宗天姿神武軍威嚴肅驚悚歎服私謂殷開山曰真英主也不如此何以定禍亂乎凱旋獻捷於太廟拜太尉陝東道行臺尙書令鎮長春宮關東兵馬並受節度尋加左武侯大將軍涼州總管宋金剛之陷滄州也兵鋒甚銳高祖以王行本尙據蒲州呂崇茂反於夏縣晉澮二州相繼陷沒關中震駭乃手勅曰賊勢如此難與爭鋒宜棄河東之地謹守關西而已太宗上表曰太原王業所基國之根本河東殷實京邑所資若舉而棄之臣竊憤恨願假精兵三萬必能平殄武周克復汾晉高祖於是悉發關中兵以益之又幸長春宮親送太宗二年十一月太宗率衆趣龍門關履冰而渡之進屯柏壁與賊將宋金剛

相持尋而永安王孝基敗於夏縣于筠獨孤懷恩唐儉並爲賊將尋相尉遲敬德所執將還滄州太宗遣殷開山秦叔寶邀之於美良川大破之相等僅以身免悉虜其衆復歸柏壁於是將咸請戰太宗曰金剛懸軍千里深入吾地精兵驍將皆在於此武周據太原專倚金剛以爲捍士卒雖衆內實空虚意在速戰我堅營蓄銳以挫其鋒糧盡計窮自當遁走三年二月金剛竟以衆餒而遁太宗追之至介州金剛列陣南北七里以拒官軍太宗遣總管李世勣程鸞金秦叔寶當其北翟長孫秦武通當其南諸軍戰小却爲賊所乘太宗率精騎擊之衝其陣後賊衆大敗追奔數十里敬德相率衆八千來降還令敬德督之與軍營相參屈突通懼其爲變驟以爲請太宗曰昔蕭王推赤心置人腹中並能畢命今委任敬德又何疑也於是劉武周奔於突厥并汾悉復舊地詔就軍加拜益州道行臺尚書令七月總率諸軍攻王世充於洛邑師次穀州世充率精兵三萬陣於慈澗太宗以輕騎挑之時衆寡不敵陷於重圍左右咸懼太宗命左右先歸獨留後殿世充驍將單雄信數百騎夾道來逼交搶競進太宗幾爲所

敗太宗左右射之無不應弦而倒獲其大將燕頤世充乃拔慈澗之鎮歸於東都太宗遣行軍總管史萬寶自宜陽南據龍門劉德威自太行東圍河內王君廓自洛口斷賊糧道又遣黃君漢夜從孝水河中下舟師襲迴洛城剋之黃河已南莫不響應城堡相次來降大軍進屯邙山九月太宗以五百騎先觀戰地卒與世充萬餘人相遇會戰復破之斬首三千餘級獲大將陳智略世充僅以身免其所署筠州總管楊慶遣使請降遣李世勣率師出轅轅道安撫其衆滎汴洧豫九州相繼來降世充遂求救於竇建德四年二月又進屯青城宮營壘未立世充衆二萬自方諸門臨穀水而陣太宗以精騎陣於北邙山令屈突通率步卒五千渡水以擊之因誡通曰待兵交卽放煙吾當率騎軍南下兵纔接太宗以騎衝之挺身先進與通表裏相應賊衆殊死戰散而復合者數焉自辰及午賊衆始退縱兵乘之俘斬八千人於是進營城下世充不敢復出但嬰城自守以待建德之援太宗遣諸軍掘塹匝布長圍以守之吳王杜伏威遣其將陳正通徐召宗率精兵二千來會於軍所僞鄭州司馬沈悅以武牢降將軍王

君廓應之擒其僞荆王王行本會竇建德以兵十餘萬來援世充至于酸棗蕭瑀屈突通封德彝皆以腹背受敵恐非萬全請退師穀州以觀之太宗曰世充糧盡內外離心我當不勞攻擊坐收其敝建德新破孟海公將驕卒情吾當進據武牢扼其襟要賊若冒險與我爭鋒破之必矣如其不戰旬日間世充當自潰若不速進賊入武牢諸城新附必不能守二賊併力將若之何通又請解圍就險以候其變太宗不許於是留通輔齊王元吉以圍世充親率步騎三千五百人趣武牢建德自滎陽西上築壘於板渚太宗屯武牢相持二十餘日諜者曰建德伺官軍芻盡候牧馬於河北因將襲武牢太宗知其謀遂牧馬河北以誘之詰朝建德果悉衆而至陳兵汜水世充將郭士衡陣於其南綿亘數里鼓譟諸將大懼太宗將數騎昇高丘以望之謂諸將曰賊起山東未見大敵今度險而囂是無政令逼城而陣有輕我心我按兵不出彼迺氣衰陣久卒饑必將自退追而擊之無往不尅吾與公等約必以午時後破之建德列陣自辰至午兵士饑倦皆坐列又爭飲水逡巡斂退太宗曰可擊矣親率輕騎追而誘之衆

繼至建德迴師而陣未及整列太宗先登擊之所向皆靡俄而衆軍合戰鷲塵四起太宗率史大奈程璣金秦叔寶宇文歆等揮幡而入直突出其陣後張我旗幟賊顧見之大潰追奔三十里斬首二千餘級虜其衆五萬生擒建德於陣太宗數之曰我以干戈問罪本在王世充得失存亡不預汝事何故越境犯我兵鋒建德股慄而言曰今若不來恐勞遠取高祖聞而大悅手詔曰隋氏分崩崤函隔絕兩雄合勢一朝清蕩兵旣尅捷更無死傷無愧爲臣不憂其父並汝功也乃將建德至東都城下世充懼率其官屬二千餘人詣軍門請降山東悉平太宗入據宮城令蕭瑀竇軌等封守府庫一無所取令記室房玄齡收隋圖籍於是誅其同惡段達等五十餘人枉被囚禁者悉釋之非罪誅戮者祭而誅之大饗將士班賜有差高祖令尙書左僕射裴寂勞於軍中六月凱旋太宗親披黃金甲陳鐵馬一萬騎甲士三萬人前後部鼓吹俘二僞主及隋氏器物輦輅獻于太廟高祖大悅行飲至禮以享焉高祖以自古舊官不稱殊功乃別表徽號用旌勳德十月加號天策上將陝東道大行臺位在王公上增邑二萬戶

通前二萬戶賜金輅一乘袞冕之服玉璧一雙黃金六千斤前後部鼓吹及九部之樂班劍四十人于時海內漸平太宗乃銳意經籍開文學館以待四方之士行臺司勳郎中杜如晦等十有八人爲學士每更置閣下降以溫顏與之討論經義或夜分而罷未幾竇建德舊將劉黑闥舉兵反據洛州十二月太宗總戎東討五年正月進軍肥鄉分兵絕其糧道相持兩月黑闥窘急求戰率步騎二萬南渡洛水晨壓官軍太宗親率精騎擊其馬軍破之乘勝蹂其步卒賊大潰斬首萬餘級先是太宗遣堰洛水上流使淺令黑闥得渡及戰乃令決堰水大至深丈餘賊徒旣敗赴水者皆溺死焉黑闥與二百餘騎北走突厥悉虜其衆河北平時徐圓朗阻兵徐兗太宗迴師討平之於是河濟江淮諸郡邑皆平十月加左右十二衛大將軍七年秋突厥頡利二可汗自原州入寇侵擾關中有說高祖云祗爲府藏子女在京師故突厥來若燒却長安而不都則胡寇自止高祖乃遣中書侍郎宇文士及行山南可居之地卽欲移都蕭瑀等皆以爲非然終不敢犯顏正諫太宗獨曰霍去病漢廷之將帥耳猶且志滅匈奴臣忝

備藩維尙使胡塵不息遂令陛下議欲遷都此臣之責也幸乞聽臣一申微効
取彼頡利若一兩年間不係其頸徐建移都之策臣當不敢復言高祖怒仍遣
太宗將三十餘騎行剗還日固奏必不可移都高祖遂止八年加中書令九年
皇太子建成齊王元吉謀害太宗六月四日太宗率長孫無忌尉遲敬德房玄
齡杜如晦宇文士及高士廉侯君集程知節秦叔寶段志玄屈突通張士貴等
於玄武門誅之甲子立爲皇太子庶政皆斷決太宗乃縱禁苑所養鷹犬并停
諸方所進珍異政尙簡肅天下大悅又令百官各上封事備陳安人理國之要
己巳令曰依禮二名不偏諱近代已來兩字兼避廢闕已多率意而行有違經
典其官號人名公私文籍有世民兩字不連續者並不須諱罷幽州大都督府
辛未廢陝東道大行臺置洛州都督府廢益州道行臺置益州大都督府壬午
幽州大都督廬江王瑗謀逆廢爲庶人乙酉罷天策府七月壬辰太子左庶子
高士廉爲侍中右庶子房玄齡爲中書令尙書右僕射蕭瑀爲尙書左僕射吏
部尙書楊恭仁爲雍州牧太子左庶子長孫無忌爲吏部尙書右庶子杜如晦

爲兵部尙書太子詹事字文士及爲中書令封德彝爲尙書右僕射八月癸亥高祖傳位於皇太子太宗卽位於東宮顯德殿遣司空魏國公裴寂柴告于南郊大赦天下武德元年以來責情流配者並放還文武官五品已上先無爵者賜爵一級六品已下加勳一轉天下給復一年癸酉放掖庭宮女三千餘人甲戌突厥頡利突利寇涇州乙亥突厥進寇武功京師戒嚴丙子立妃長孫氏爲皇后己卯突厥寇高陵辛巳行軍總管尉遲敬德與突厥戰於涇陽大破之斬首千餘級癸未突厥頡利至于渭水便橋之北遣其酋帥執失思力入朝爲覘自張形勢太宗命囚之親出玄武門馳六騎幸渭水上與頡利隔津而語責以負約俄而衆軍繼至頡利見軍容旣盛又知思力就拘由是大懼遂請和詔許焉卽日還宮乙酉又幸便橋與頡利刑白馬設盟突厥引退九月丙戌頡利獻馬三千疋羊萬口帝不受令頡利歸所掠中國戶口丁未引諸衛騎兵統將等習射于顯德殿庭謂將軍已下曰自古突厥與中國更有盛衰若軒轅善用五兵卽能北逐獯鬻周宣驅馳方召亦能制勝太原至漢晉之君逮於隋代不使

兵士素習干戈突厥來侵莫能抗禦致遺中國生民塗炭於寇手我今不使汝等穿池築苑造諸淫費農民恣令逸樂兵士唯習弓馬庶使汝鬪戰亦望汝前無橫敵於是每日引數百人於殿前教射帝親自臨試射中者隨賞弓刀布帛朝臣多有諫者曰先王制法有以兵刃至御所者刑之所以防萌杜漸備不虞也今引裨卒之人彎弧縱矢於軒陛之側陛下親在其間正恐禍出非意非所以爲社稷計也上不納自是後士卒皆爲精銳壬子詔私家不得輒立妖神妄設淫祀非禮祠禱一皆禁絕其龜易五兆之外諸雜占卜亦皆停斷長孫無忌封齊國公房玄齡邢國公尉遲敬德吳國公杜如晦蔡國公侯君集潞國公冬十月丙辰朔日有蝕之癸亥立中山王承乾爲皇太子癸酉裴寂食實封一千五百戶長孫無忌王君廓尉遲敬德房玄齡杜如晦一千三百戶長孫順德柴紹羅藝趙郡王孝恭一千二百戶侯君集張公謹劉師立一千戶李世勳劉弘基九百戶高士廉宇文士及秦叔寶程知節七百萬戶安興貴安修仁唐儉竇軌屈突通蕭瑀封德彝劉義節六百戶錢九隴樊世興公孫武達李孟常段志玄

龐卿惲張亮李藥師杜淹元仲文四百戶張長遜張平高李安遠李子和秦行師馬三寶三百戶十一月庚寅降宗室封郡王者並爲縣公十二月癸酉親錄囚徒是歲新羅龜茲突厥高麗百濟党項並遣使朝貢

貞觀元年春正月乙酉改元辛丑燕郡王李藝據涇州反尋爲左右所斬傳首京師庚午以僕射竇軌爲益州大都督三月癸巳皇后親蠶尙書左僕射宋國公蕭瑀爲太子少師丙午詔齊故尙書僕射崔季舒給事黃門侍郎郭遵尙書右丞封孝琰等昔仕鄴中各位通顯志存忠讜抗表極言無救社稷之亡遂見龍逢之酷其季舒子剛遵子雲孝琰子君遵並以門遭時譴淫刑濫及宜從褒獎特異常倫可免內侍量才別敘夏四月癸巳涼州都督長樂王幼良有罪伏誅六月辛巳尙書右僕射密國公封德彝薨壬辰太子少保宋國公蕭瑀爲尙書左僕射是夏山東諸州大旱令所在賑恤無出今年租賦秋七月壬子吏部尙書齊國公長孫無忌爲尙書右僕射八月戊戌貶侍中義興郡公高士廉爲安州大都督戶部尙書裴矩卒是月關東及河南隴右沿邊諸州霜害秋稼九

月辛酉命中書侍郎溫彥博尚書右丞魏徵等分往諸州賑恤中書令鄧國公宇文士及爲殿中監御史大夫檢校吏部尚書參預朝政安吉郡公杜淹署位十二月壬午上謂侍臣曰神仙事本虛妄空有其名秦始皇非分愛好遂爲方士所詐乃遣童男女數千人隨徐福入海求仙藥方士避秦苛虐因留不歸始皇猶海側踟躕以待之還至沙丘而死漢武帝爲求仙乃將女嫁道術人事既無驗便行誅戮據此二事神仙不煩妄求也尚書左僕射宋國公蕭瑀坐事免戊申利州都督義安王孝常右武衛將軍劉德裕等謀反伏誅是歲關中饑至有鬻男女者

二年春正月辛丑尚書右僕射齊國公長孫無忌爲開府儀同三司徙封漢王恪爲蜀王衛王泰爲越王楚王祐爲燕王復置六侍郎副六尚書事并置左右司郎中各一人前安州大都督趙王元景爲雍州牧蜀王恪爲益州大都督越王泰爲揚州大都督二月丙戌鞞鞞內屬三月戊申朔日有蝕之丁卯遣御史大夫杜淹巡關內諸州出御府金寶贖男女自賣者還其父母庚午大赦天下

夏四月己卯詔骸骨暴露者令所在埋瘞丙申契丹內屬初詔天下州縣並置義倉夏州賊帥梁師都爲其從父弟洛仁所殺以城降五月大雨雹六月庚寅皇子治生宴五品以上賜帛有差仍賜天下是日生者粟辛卯上謂侍臣曰君雖不君臣不可以不臣裴虔通煬帝舊左右也而親爲亂首朕方崇獎敬義豈可猶使宰民訓俗詔曰天地定位君臣之義以彰卑高旣陳人倫之道斯著是用篤厚風俗化成天下雖復時經治亂主或昏明疾風勁草芬芳無絕剖心焚體赴蹈如歸夫豈不愛七尺之軀重百年之命諒由君臣義重名教所先故能明大節於當時立清風於身後至如趙高之殞二世董卓之鳩弘農人神所疾異代同憤況凡庸小豎有懷凶悖遐觀典策莫不誅夷辰州刺史長蛇縣男裴虔通昔在隋代委質晉藩煬帝以舊郎之情特相愛幸遂乃志蔑君親潛圖弑逆密伺間隙招結羣醜長戟流矢一朝竊發天下之惡孰云可忍宜其夷宗焚首以彰大戮但年代異時累逢赦令可特免極刑除名削爵遷配驩州秋七月戊申詔萊州刺史牛方裕絳州刺史薛世良廣州都督府長史唐奉義隋武牙

郎將高元禮並於隋代俱蒙任用乃協契字文化及構成弒逆宜依裴虔通除名配流嶺表太宗謂侍臣曰天下愚人好犯憲章凡赦宥之恩唯及不軌之輩古語曰小人之幸君子之不幸一歲再赦好人啗啞凡養稂莠者傷禾稼惠姦宄者賊良人昔文王作罰刑茲無赦又蜀先主嘗謂諸葛亮曰吾周旋陳元方鄭康成間每見啓告理亂之道備矣曾不語赦也夫小人者大人之賊故朕有天下已來不甚放赦今四海安靜禮義興行非常之恩施不可數將恐愚人常冀僥倖唯欲犯法不能改過八月甲戌朔幸朝堂親覽冤屈自是上以軍國無事每日視膳於西宮癸巳公卿奏曰依禮季夏之月可以居臺榭今隆暑未退秋霖方始宮中卑濕請營一閣以居之帝曰朕有氣病豈宜下濕若遂來請糜費良多昔漢文帝將起露臺而惜十家之產朕德不逮于漢帝而所費過之豈謂爲民父母之道也竟不許是月河南河北大霜人饑九月丙午詔曰尙齒重舊先王以之垂範還章解組朝臣於是克終釋菜合樂之儀東膠西序之制養老之義遺文可覩朕恭膺大寶憲章故實乞言尊事彌切深衷然情存今古世

踵澆季而策名就列或乖大體至若筋力將盡桑榆且迫徒竭夙興之勤未悟夜行之罪其有心驚止足行堪激勵謝事公門收骸閭里能以禮讓固可嘉焉內外文武羣官年高致仕抗表去職者參朝之日宜在本品見任之上丁未謂侍臣曰婦人幽閉深宮情實可愍隋氏末年求採無已至於離宮別館非幸御之所多聚宮人皆竭人財力朕所不取且灑掃之餘更何所用今將出之任求伉儷非獨以惜費亦人得各遂其性於是遣尚書左丞戴胄給事中杜正倫等於掖庭宮西門簡出之冬十月庚辰御史大夫安吉郡公杜淹卒戊子殺瀛州刺史盧祖尚十一月辛酉有事於圓丘十二月壬午黃門侍郎王珪爲侍中三年春正月辛亥契丹渠帥來朝戊午謁太廟癸亥親耕籍田辛未司空魏國公裴寂坐事免二月戊寅中書令邢國公房玄齡爲尚書左僕射兵部尚書檢校侍中蔡國公杜如晦爲尚書右僕射刑部尚書檢校中書令永康縣公李靖爲兵部尚書右丞魏徵爲守祕書監參預朝政夏四月辛巳太上皇徙居大安宮甲子太宗始於太極殿聽政五月周王元方薨六月戊寅以旱親錄囚徒遣

長孫無忌房玄齡等祈雨於名山大川中書舍人杜正倫等往關內諸州慰撫
又令文武官各上封事極言得失己卯大風折木秋八月己巳朔日有蝕之薛
延陀遣使朝貢九月癸丑諸州置醫學冬十一月丙午西突厥高昌遣使朝貢
庚申以并州都督李世勣爲通漢道行軍總管兵部尙書李靖爲定襄道行軍
總管以擊突厥十二月戊辰突利可汗來奔癸未杜如晦以疾辭位許之癸丑
詔建義已來交兵之處爲義士勇夫殞身戎陣者各立一寺命虞世南李伯藥
褚亮顏師古岑文本許敬宗朱子奢等爲之碑銘以紀功業是歲戶部奏言中
國人自塞外來歸及突厥前後內附開四夷爲州縣者男女一百二十餘萬口

舊唐書卷二

舊唐書卷二考證

太宗本紀卷上太宗又爲元帥以擊仁杲相持于折塢城○新書復屯于高塢

城臣宗萬

按新書地理志寧州定平縣有高塢城高祖紀薛舉寇涇州不及

高塢通鑑薛舉進逼高塢新書亦作高塢此獨云折塢應誤當以新書爲是

貞觀元年春正月以僕射竇軌爲益州大都督○沈炳震曰軌本傳武德二年

拜益州道行臺左僕射九年行臺廢卽授益州大都督貞觀元年徵爲右衛

大將軍非是年以僕射拜益州也疑誤

三年十一月以并州都督李世勣爲通漢道行軍總管○李勣傳作通漢道則

漢當爲漢字之訛

十二月癸丑詔爲義士勇夫殞身戎陣者各立一寺○

臣宗萬

按史不言立寺

之處其可考證者於汾州破劉武周則立弘濟寺於呂州破宋老先生則立

普濟寺於晉州破宋金剛則立慈雲寺於印山破王世充則立昭覺寺於汜

水破竇建德則立等慈寺於洛州破劉黑闥則立昭福寺征高麗還則立憫

忠寺于幽州太宗身起行間與士卒同甘苦即位後軫念國殤復有是詔亦發政施仁之大端故詳誌於此

十二代皇帝... 太宗皇帝... 忠寺于幽州太宗身起行間與士卒同甘苦即位後軫念國殤復有是詔亦發政施仁之大端故詳誌於此

舊唐書卷二考證

三年十一月... 太宗皇帝... 忠寺于幽州太宗身起行間與士卒同甘苦即位後軫念國殤復有是詔亦發政施仁之大端故詳誌於此

大將軍... 太宗皇帝... 忠寺于幽州太宗身起行間與士卒同甘苦即位後軫念國殤復有是詔亦發政施仁之大端故詳誌於此

太宗皇帝... 忠寺于幽州太宗身起行間與士卒同甘苦即位後軫念國殤復有是詔亦發政施仁之大端故詳誌於此

太宗皇帝... 忠寺于幽州太宗身起行間與士卒同甘苦即位後軫念國殤復有是詔亦發政施仁之大端故詳誌於此

太宗皇帝... 忠寺于幽州太宗身起行間與士卒同甘苦即位後軫念國殤復有是詔亦發政施仁之大端故詳誌於此

太宗皇帝... 忠寺于幽州太宗身起行間與士卒同甘苦即位後軫念國殤復有是詔亦發政施仁之大端故詳誌於此

太宗皇帝... 忠寺于幽州太宗身起行間與士卒同甘苦即位後軫念國殤復有是詔亦發政施仁之大端故詳誌於此

舊唐書卷三

後晉司空同中書門下平章事劉昫撰

本紀第三

太宗下

四年春正月乙亥定襄道行軍總管李靖大破突厥獲隋皇后蕭氏及煬帝之孫正道送至京師癸巳武德殿北院火二月己亥幸溫湯甲辰李靖又破突厥于陰山頡利可汗輕騎遠遁丙午至自溫湯甲寅大赦賜酺五日民部尚書戴胄以本官檢校吏部尚書參預朝政太常卿蕭瑀爲御史大夫與宰臣參議朝政御史大夫西河郡公溫彥博爲中書令三月庚辰大同道行軍副總管張寶相生擒頡利可汗獻於京師甲申尚書右僕射蔡國公杜如晦薨甲午以俘頡利告於太廟夏四月丁酉御順天門軍吏執頡利以獻捷自是西北諸蕃咸請上尊號爲天可汗於是降璽書冊命其君長則兼稱之秋七月甲子朔日有蝕之上謂房玄齡蕭瑀曰隋文何等主對曰克己復禮勤勞思政每一坐朝或至

日昃五品已上引之論事宿衛之人傳飧而食雖非性體仁明亦勵精之主也
上曰公得其一未知其二此人性至察而心不明夫心暗則照有不通至察則
多疑於物自以欺孤寡得之謂羣下不可信任事皆自決雖勞神苦形未能盡
合於理朝臣既知上意亦復不敢直言宰相已下承受而已朕意不然以天下
之廣豈可獨斷一人之慮朕方選天下之才爲天下之務委任責成各盡其用
庶幾於理也因令有司詔勅不便於時卽宜執奏不得順旨施行八月丙午詔
三品已上服紫五品已上服緋六品七品以綠八品九品以青婦人從夫色甲
寅兵部尙書代國公李靖爲尙書左僕射九月庚午令收瘞長城之南骸骨仍
令致祭壬午令自古明王聖帝賢臣烈士墳墓無得芻牧春秋致祭冬十月壬
辰幸隴州曲赦隴岐二州給復一年十日校獵於貴泉谷十三日校獵於魚龍
川自射鹿獻於大安宮甲子至自隴州戊寅制決罪人不得鞭背以明堂孔穴
針灸之所兵部尙書侯君集參議朝政十二月辛亥開府儀同三司淮安王神
通薨甲寅高昌王麴文泰來朝是歲斷死刑二十九人幾致刑措東至于海南

至于嶺皆外戶不閉行旅不齎糧焉

五年正月癸酉大蒐於昆明池蕃夷君長咸從丙午親獻禽於大安宮己卯幸左藏庫賜三品已上帛任其輕重癸未朝集使請封禪己酉封皇弟元裕爲鄜王元名爲譙王靈夔爲魏王元祥爲許王元曉爲密王庚戌封皇子愔爲梁王貞爲漢王暉爲郟王治爲晉王慎爲申王囂爲江王簡爲代王夏四月壬辰代王簡薨以金帛購中國人因隋亂沒突厥者男女八萬人盡還其家屬六月甲寅太子少師新昌縣公李綱薨七月甲辰遣使毀高麗所立京觀收隋人骸骨祭而葬之戊申初令天下決死刑必三覆奏在京諸司五覆奏其日尙食進蔬食內教坊及太常不舉樂秋九月乙丑賜羣官大射於武德殿冬十月右衛大將軍順州都督北平郡王阿史那什鉢苾卒十二月壬寅幸温湯癸卯獵於驪山丙午賜新豐高年帛有差戊申至自温湯

六年春正月乙卯朔日有蝕之二月丙戌置三師官員戊子初置律學三月戊辰幸九成宮六月己亥鄴王元亨薨辛亥江王囂薨冬十月乙卯至自九成宮

十二月辛未親錄囚徒歸死罪者二百九十人于家令明年秋末就刑其後應期畢至詔悉原之是歲党項羌前後內屬者三十萬口

七年春正月戊子詔曰宇文化及弟智及司馬德戡裴虔通孟景元禮楊覽唐奉義牛方裕元敏薛良馬舉元武達李孝本李孝質張愷許弘仁令狐行達席德方李覆等大業季年咸居列職或恩結一代任重一時乃包藏凶慝罔思忠義爰在江都遂行弑逆罪百閭趙釁深梟獍雖事是前代歲月已久而天下之惡古今同棄宜實重典以勵臣節其子孫並宜禁錮勿令齒敘是日上製破陣樂舞圖辛丑賜京城酺三日丁卯雨土乙酉薛延陀遣使來朝庚寅秘書監檢校侍中魏徵爲侍中癸巳直太史將仕郎李淳風鑄渾天黃道儀奏之置於凝暉閣夏五月癸未幸九成宮八月山東河南三十州大水遣使賑恤冬十月庚申至自九成宮十一月丁丑頒新定五經壬辰開府儀同三司齊國公長孫無忌爲司空十二月丙辰狩于少陵原詔以少牢祭杜如晦杜淹李綱之墓

八年正月癸未右衛大將軍阿史那吐茲卒辛丑右屯衛大將軍張士貴討東

西五洞反獠平之壬寅命尙書右僕射李靖特進蕭瑀楊恭仁禮部尙書王珪
御史大夫韋挺鄜州大都督府長史皇甫無逸揚州大都督府長史李襲譽幽
州大都督府長史張亮涼州大都督李大亮右領軍大將軍竇誕太子左庶子
杜正倫綿州刺史劉德威黃門侍郎趙弘智使于四方觀省風俗二月乙巳皇
太子加元服丙午賜天下酺三日三月庚辰幸九成宮五月辛未朔日有蝕之
丁丑上初服翼善冠貴臣服進德冠七月始以雲麾將軍階爲從三品隴右山
崩大蛇屢見山東河南淮南大水遣使賑恤八月甲子有星孛于虛危歷于氏
十一月上旬乃滅九月丁丑皇太子來朝冬十月右驍衛大將軍襄國公段志
玄擊吐谷渾破之追奔八百餘里甲子至自九成宮十一月辛未右僕射代國
公李靖以疾辭官授特進丁亥吐谷渾寇源州己丑吐谷渾拘我行人趙道德
十二月辛丑命特進李靖兵部尙書侯君集刑部尙書任城王道宗涼州都督
李大亮等爲大總管各帥師分道以討吐谷渾壬子越王泰爲雍州牧乙卯帝
從太上皇閱武於城西是歲龜茲吐蕃高昌女國石國遣使朝貢

九年春三月洮州羌叛殺刺史孔長秀壬午大赦每鄉置長一人佐二人乙酉
鹽澤道總管高甑生大破叛羌之衆庚寅勅天下戶立三等未盡升降置爲九
等夏四月壬寅康國獻獅子閏月丁卯日有蝕之癸巳大總管李靖侯君集李
大亮任城王道宗破吐谷渾於牛心堆五月乙未又破之於烏海追奔至烏海
副總管薛萬均薛萬徹又破之於赤水源獲其名王二十人庚子太上皇崩於
大安宮壬子李靖平吐谷渾於西海之上獲其王慕容伏允以其子慕容順光
降封爲西平郡王復其本國秋七月甲寅增修太廟爲六室冬十月庚寅葬高
祖太武皇帝於獻陵戊申祔于太廟辛丑左僕射魏國公房玄齡加開府儀同
三司餘如故十二月甲戌吐谷渾西平郡王慕容順光爲其下所弑遣兵部尙
書侯君集率師安撫之仍封順光子諾曷鉢爲河源郡王使統其衆右光祿大
夫宋國公蕭瑀依舊特進復令參預朝政

十年春正月壬子尙書左僕射房玄齡侍中魏徵上梁陳齊周隋五代史詔藏
于祕閣癸丑徙封趙王元景爲荆王魯王元昌爲漢王鄭王元禮爲徐王徐王

元嘉爲韓王荆王元則爲彭王滕王元懿爲鄭王吳王元軌爲霍王劭王元鳳
爲號王陳王元慶爲道王魏王靈夔爲燕王蜀王恪爲吳王越王泰爲魏王燕
王祐爲齊王梁王曄爲蜀王郢王暉爲蔣王漢王貞爲越王申王慎爲紀王夏
六月以侍中魏徵爲特進仍知門下省事壬申中書令溫彥博爲尙書右僕射
甲戌太常卿安德郡公楊師道爲侍中己卯皇后長孫氏崩于立政殿冬十一
月庚寅葬文德皇后於昭陵十二月壬申吐谷渾河源郡王慕容諾曷鉢來朝
乙亥親錄京師囚徒是歲關內河東疾病命醫齋藥療之

十一年春正月丁亥朔徙鄧王元裕爲鄧王譙王元名爲舒王癸巳加魏王泰
爲雍州牧左武侯大將軍庚子頒新律令於天下作飛山宮甲寅房玄齡等進
所修五禮詔所司行用之二月丁亥詔曰夫生者天地之大德壽者修短之一
期生有七尺之形壽以百齡爲限含靈稟氣莫不同焉皆得之於自然不可以
分外企也是以禮記云君卽位而爲禘莊周云勞我以形息我以死豈非聖人
遠鑒通賢深識末代已來明辟蓋寡靡不矜黃屋之尊慮白駒之過並多拘忌

有慕遐年謂雲車易乘義輪可駐異軌同趣其蔽甚矣有隋之季海內橫流豺
狼肆暴吞噬黔首朕投袂發憤情深拯溺扶翼義師濟斯塗炭賴蒼昊降鑒股
肱宣力提劍指麾天下大定此朕之宿志於斯已畢猶恐身後之日子子孫孫
習於流俗猶循常禮加四重之櫬伐百祀之木勞擾百姓崇厚園陵今預爲此
制務從儉約於九嶮之山足容棺而已積以歲月漸而備之木馬塗車土椁葦
簞事合古典不爲時用又佐命功臣或義深舟楫或謀定帷幄或身推行陣同
濟艱危克成鴻業追念在昔何日忘之使逝者無知咸歸寂寞若營魂有識還
如疇曩居止相望不亦善乎漢氏使將相陪陵又給以東園祕器篤終之義恩
意深厚古人豈異我哉自今已後功臣密戚及德業佐時者如有薨亡宜賜塋
地一所及以祕器使窀穸之時喪事無闕所司依此營備稱朕意焉甲子幸洛
陽宮命祭漢文帝三月丙戌朔日有蝕之丁亥車駕至洛陽丙申改洛州爲洛
陽宮辛亥大蒐於廣城澤癸丑還宮夏四月甲子震乾元殿前槐樹丙寅詔河
北淮南舉孝悌淳篤兼閑時務儒術該通可爲師範文辭秀美才堪著述明識

政體可委字人并志行修立爲鄉閭所推者給傳詣洛陽宮六月甲寅尙書右僕射虞國公溫彥博薨丁巳幸明德宮己未定制諸王爲世封刺史戊辰定制勳臣爲世封刺史改封任城王道宗爲江夏郡王趙郡王孝恭爲河間郡王己巳改封許王元祥爲江王秋七月癸未大霖雨穀水溢入洛陽宮深四尺壞左掖門毀宮寺十九所洛水溢漂六百家庚寅詔以災命百官上封事極言得失丁酉車駕還宮壬寅廢明德宮及飛山宮之玄圃院分給遭水之家仍賜帛有差丙午修老君廟於亳州宣尼廟於兗州各給二十戶享祀焉涼武昭王復近墓二十戶充守衛仍禁芻牧樵採九月丁亥河溢壞陝西河北縣毀河陽中潭幸白司馬坂以觀之賜遭水之家粟帛有差冬十一月辛卯幸懷州乙未狩於濟源丙午車駕還宮十二月辛酉百濟王遣其太子隆來朝

十二年春正月乙未吏部尙書高士廉等上氏族志一百三十卷壬寅松叢二州地震壞人廬舍有壓死者二月乙卯車駕還京癸亥觀砥柱勒銘以紀功德甲子夜郎獠反夔州都督齊善行討平之乙丑次陝州自新橋幸河北縣祀夏

禹廟丁卯次柳谷頓觀鹽池戊寅以隋鷹揚郎將堯君素忠於本朝贈蒲州刺史仍錄其子孫閏二月庚辰朔日有蝕之丙戌至自洛陽宮夏五月壬申銀青光祿大夫永興縣公虞世南卒六月庚子初置玄武門左右飛騎秋七月癸酉吏部尚書申國公高士廉爲尚書右僕射冬十月乙卯狩于始平賜高年粟帛有差乙未至自始平己亥百濟遣使貢金甲雕斧十二月辛巳右武侯將軍上官懷仁大破山獠於壁州

十三年春正月乙巳朔謁獻陵曲赦三原縣及行從大辟罪丁未至自獻陵戊午加房玄齡爲太子少師二月丙子停世襲刺史三月乙丑有星孛于畢昴夏四月戊寅幸九成宮甲申阿史那結社爾犯御營伏誅壬寅雲陽石燃者方丈晝如灰夜則有光投草木於上則焚歷年而止自去冬不雨至于五月甲寅避正殿令五品以上上封事減膳罷役分使賑恤申理冤屈乃雨六月丙申封皇弟元嬰爲滕王秋八月辛未朔日有蝕之庚辰立右武侯大將軍化州都督懷化郡王李思摩爲突厥可汗率所部建于河北冬十月甲申至自九成宮十

一月辛亥侍中安德郡公楊師道爲中書令十二月丁丑吏部尚書陳國公侯君集爲交河道行軍大總管帥師伐高昌乙亥封皇子福爲趙王壬午嶺州都督王志遠有罪伏誅詔於洛相幽徐齊并秦蒲等州並置常平倉己丑吐谷渾河源郡王慕容諾曷鉢來逆女壬辰狩于咸陽是歲滁州言野蠶食榭菜成繭大如柰其色綠凡六千五百七十碩高麗新羅西突厥吐火羅康國安國波斯疎勒于闐焉耆高昌林邑昆明及荒服蠻酋相次遣使朝貢

十四年春正月庚子初命有司讀時令甲寅幸魏王泰宅赦雍州及長安獄大辟罪已下二月丁丑幸國子學親釋奠赦大理萬年繫囚國子祭酒以下及學生高第精勤者加一級賜帛有差庚辰左驍衛將軍淮陽王道明送弘化公主歸于吐谷渾壬午幸温湯辛卯至自温湯乙未詔以梁皇偏褚仲都周熊安生沈重陳沈文阿周弘正張機隋何妥劉焯劉炫等前代名儒學徒多行其義命求其後三月戊午置寧朔大使以護突厥夏五月壬戌徙封燕王靈夔爲魯王六月乙酉大風拔木己丑薛延陀遣使求婚己未滁州野蠶成繭凡收八千三

百碩八月庚午新作襄城宮癸巳交河道行軍大總管侯君集平高昌以其地置西州九月癸卯曲赦西州大辟罪乙卯於西州置安西都護府冬十月己卯詔以贈司空河間元王孝恭贈陝東道大行臺尚書右僕射鄖節公殷開山贈民部尚書淪襄公劉政會等配饗高祖廟庭閏月乙未幸同州甲辰狩于堯山庚戌至自同州丙辰吐蕃遣使獻黃金器千斤以求婚十一月甲子朔日南至有事于圓丘十二月丁酉交河道旋師吏部尚書陳國公侯君集執高昌王麴智盛獻捷于觀德殿行飲至之禮賜酺三日乙卯高麗世子相權來朝

十五年春正月丁卯吐蕃遣其國相祿東贊來逆女丁丑禮部尚書江夏王道宗送文成公主歸吐蕃辛巳幸洛陽宮三月戊申幸襄城宮庚午發襄城宮夏四月辛卯詔以來年二月有事太山所司詳定儀制五月壬申并州僧道及老人等抗表以太原王業所因明年登封已後願時臨幸上於武成殿賜宴因從容謂侍臣曰朕少在太原喜羣聚博戲暑往寒逝將三十年矣時會中有舊識上者相與道舊以爲笑樂因謂之曰他人之言或有面諛公等朕之故人實以

告朕卽日政教於百姓何如人間得無疾苦耶皆奏卽日四海太平百姓歡樂
陛下力也臣等餘年日惜一日但眷戀聖化不知疾苦因固請過并州上謂曰
飛鳥過故鄉猶躑躅徘徊況朕於太原起義遂定天下復少小遊觀誠所不忘
岱禮若畢或冀與公等相見於是賜物各有差丙子百濟王扶餘璋卒詔立其
世子扶餘義慈嗣其父位仍封爲帶方郡王六月戊申詔天下諸州舉學綜古
今及孝悌淳篤文章秀異者並以來年二月總集泰山己酉有星孛于太微犯
卽位丙辰停封泰山避正殿以思咎命食減膳秋七月甲戌孛星滅冬十月辛
卯大閱於伊闕壬辰幸嵩陽辛丑還宮十一月壬戌廢鄉長壬申還京師癸酉
薛延陁以同羅僕骨迴紇靺鞨靺之衆度漠屯于白道川命營州都督張儉統
所部兵壓其東境兵部尙書李勣爲朔方行軍總管右衛大將軍李大亮靈州
道行軍總管涼州都督李襲譽爲涼州道行軍總管分道以禦之十二月戊子
朔至自洛陽宮甲辰李勣及薛延陁戰于諾真水大破之斬首三千餘級獲馬
萬五千匹薛延陁跳身而遁勣旋破突厥思結於五臺縣虜其男女千餘口獲

羊馬稱是

十六年春正月辛未詔在京及諸州死罪囚徒配西州爲戶流人未達前所者徙防西州兼中書侍郎江陵子岑文本爲中書侍郎專知機密夏六月辛卯詔復隱王建成曰隱太子改封海陵刺王元吉曰巢刺王秋七月戊午司空趙國公無忌爲司徒尙書左僕射梁國公玄齡爲司空九月丁巳特進鄭國公魏徵爲太子太師知門下省事如故冬十一月丙辰狩于岐山辛酉使祭隋文帝陵丁卯宴武功士女於慶善宮南門酒酣上與父老等涕泣論舊事老人等遞起爲舞爭上萬歲壽上各盡一杯庚午至自岐州十二月癸卯幸溫湯甲辰狩于驪山時陰寒晦冥圍兵斷絕上乘高望見之欲捨其罰恐虧軍令乃迴轡入谷以避之是歲高麗大臣蓋蘇文弑其君高武而立武兄子藏爲王

十七年春正月戊辰右衛將軍代州都督劉蘭謀反腰斬太子太師鄭國公魏徵薨戊申詔圖畫司徒趙國公無忌等勳臣二十四人於凌烟閣三月丙辰齊州都督齊王祐長史權萬紀典軍韋文振據齊州自守詔兵部尙書李勣刑部

尙書劉德威發兵討之兵未至兵曹杜行敏執之而降遂賜死于內侍省丁巳
熒惑守心前星十九日而退夏四月庚辰朔皇太子有罪廢爲庶人漢王元昌
吏部尙書侯君集並坐與連謀伏誅丙戌立晉王治爲皇太子大赦賜酺三日
丁亥中書令楊師道爲吏部尙書己丑加司徒趙國公長孫無忌太子太師司
空梁國公房玄齡太子太傅特進宋國公蕭瑀太子太保兵部尙書英國公李
勣爲太子詹事仍同中書門下三品庚寅上親謁太廟以謝承乾之過癸巳魏
王泰以罪降爵爲東萊郡王五月乙丑手詔舉孝廉茂才異能之士六月己卯
朔日有蝕之壬午改葬隋恭帝丁酉尙書右僕射高士廉請致仕詔以爲開府
儀同三司同中書門下三品閏月戊午薛延陁遣其兄子突利設獻馬五萬匹
牛輓一萬羊十萬以請婚許之丙子徙封東萊郡王泰爲順陽王秋七月庚辰
京城訛言云上遣棖棖取人心肝以祠天狗遞相驚悚上遣使遍加宣諭月餘
乃止丁酉司空太子太傅梁國公房玄齡以母憂罷職八月工部尙書鄖國公
張亮爲刑部尙書參預朝政九月癸未徙庶人承乾于黔州冬十月丁巳房玄

齡起復本職十一月己卯有事于南郊壬午賜天下酺三日以涼州獲瑞石曲赦涼州并錄京城及諸州繫囚多所原宥

十八年春正月壬寅幸溫湯夏四月辛亥幸九成宮秋八月甲子至自九成宮丁卯散騎常侍清苑男劉洎爲侍中中書侍郎江陵子岑文本中書侍郎馬周並爲中書令九月黃門侍郎褚遂良參預朝政冬十月辛丑朔日有蝕之甲辰初置太子司議郎官員甲寅幸洛陽宮安西都護郭孝恪帥師滅焉耆執其王突騎支送行在所十一月壬寅車駕至洛陽宮庚子命太子詹事英國公李勣爲遼東道行軍總管出柳城禮部尙書江夏郡王道宗副之刑部尙書鄭國公張亮爲平壤道行軍總管以舟師出萊州左領軍常何瀘州都督左難當副之發天下甲士召募十萬並趣平壤以伐高麗十二月辛丑庶人承乾死

十九年春二月庚戌上親統六軍發洛陽乙卯詔皇太子留定州監國開府儀同三司申國公高士廉攝太子太傅與侍中劉洎中書令馬周太子少詹事張行成太子右庶子高季輔五人同掌機務以吏部尙書安德郡公楊師道爲中

書令贈殷比干爲太師諡曰忠烈命所司封墓葺祠堂春秋祠以少牢上自爲文以祭之三月壬辰上發定州以司徒太子太師兼檢校侍中趙國公長孫無忌中書令岑文本楊師道從夏四月癸卯誓師於幽州城南因大饗六軍以遣之丁未中書令岑文本卒于師癸亥遼東道行軍大總管英國公李世勣攻蓋牟城破之五月丁丑車駕渡遼甲申上親率鐵騎與李世勣會圍遼東城因烈風發火弩斯須城上屋及樓皆盡麾戰士令登乃拔之六月丙辰師至安市城丁巳高麗別將高延壽高惠真帥兵十五萬來援安市以拒王師李世勣率兵奮擊上自高峯引軍臨之高麗大潰殺獲不可勝紀延壽等以其衆降因名所幸山爲駐蹕山刻石紀功焉賜天下大酺二日秋七月李世勣進軍攻安市城至九月不尅乃班師冬十月丙辰入臨渝關皇太子自定州迎謁戊午次漢武臺刻石以紀功德十一日辛未幸幽州癸酉大饗還師十二月戊申幸并州侍中清苑男劉洎以罪賜死是歲薛延陁真珠毗伽可汗死

二十年正月上在并州丁丑遣大理卿孫伏伽黃門侍郎褚遂良等二十二

以六條巡察四方黜陟官吏庚辰曲赦并州宴從官及起義元從賜粟帛給復有差三月己巳車駕至京師己丑刑部尚書鄭國公張亮謀反誅閏月癸巳朔日有蝕之夏四月甲子太子太師趙國公長孫無忌太子太傅梁國公房玄齡太子太保宋國公蕭瑀各辭調護之職詔許之六月遣兵部尚書固安公崔敦禮特進英國公李世勣擊破薛延陁於鬱督軍山北前後斬首五千餘級虜男女三萬餘人秋八月甲子封皇孫爲陳王己巳幸靈州庚午次涇陽頓鐵勒迴紇拔野古同羅僕骨多濫葛思結阿跌契苾跌結渾斛薛等十一姓各遣使朝貢奏稱延陁可汗不事大國部落烏散不知所之奴等各有分地不能逐延陁去歸命天子乞置漢官詔遣會靈州九月甲辰鐵勒諸部落俟斤頡利發等遣使相繼而至靈州者數千人來貢方物因請置吏咸請至尊爲可汗於是北荒悉平爲五言詩勒石以序其事辛亥靈州地震有聲冬十月前太子太保宋國公蕭瑀貶商州刺史丙戌至自靈州

二十一年春正月壬辰開府儀同三司申國公高士廉薨丁酉詔以來年二月

有事泰山甲寅賜京師醮三日二月壬申詔以左丘明卜子夏公羊高穀梁赤
伏勝高堂生戴聖毛萇孔安國劉向鄭衆杜子春馬融盧植鄭康成服子慎何
休王肅王輔嗣杜元凱范寧等二十一人代用其書垂於國胄自今有事於太
學並命配享尼廟堂丁丑皇太子於國學釋菜夏四月乙丑營太和宮於終
南之上改爲翠微宮五月戊子幸翠微宮六月癸亥司徒趙國公無忌加授揚
州都督秋七月庚子建玉華宮於宜君縣之鳳凰谷庚戌至自翠微宮八月壬
戌詔以河北大水停封禪辛未骨利幹國遣使貢名馬丁酉封皇子明爲曹王
冬十一月癸卯徙封順陽王泰爲濮王十二月戊寅左驍衛大將軍阿史那社
爾右驍衛大將軍契苾何力安西都護郭孝恪司農卿楊弘禮爲崑山道行軍
大總管以伐龜茲是歲墮婆登乙利鼻林送都播羊同石波斯康國吐火羅阿
悉吉等遠夷十九國並遣使朝貢又於突厥之北至于迴紇部落置驛六十六
所以通北荒焉

二十二年春正月庚寅中書令馬周卒司徒趙國公無忌兼檢校中書令知中

書門下二省事己亥刑部侍郎崔仁師爲中書侍郎參知機務戊戌幸温湯戊申還宮二月前黃門侍郎褚遂良起復黃門侍郎中書侍郎崔仁師除名配流連州癸丑西番沙鉢羅葉護率衆歸附以其俟斤屈裴祿爲忠武將軍兼大俟斤戊午以結骨部置堅昆都督乙亥幸玉華宮乙卯賜所經高年篤疾粟帛有差乙卯蒐于華原四月甲寅積外蕃人爭牧馬出界上親臨斷決然後咸服丁巳右武侯將軍梁建方擊松外蠻下其部落七十二所五月庚子右衛長史王玄策擊帝那伏帝國大破之獲其王阿羅那順及王妃子等虜男女萬二千人牛馬二萬餘以詣闕使方士那羅邇娑婆於金鷄門造延年之藥吐蕃贊普擊破中天竺國遣使獻捷六月癸酉特進宋國公蕭瑀薨秋七月癸卯司空梁國公房玄齡薨八月己酉朔日有蝕之九月己亥黃門侍郎褚遂良爲中書令十月癸亥至自玉華宮十一月戊戌眉邛雅三州獠反右衛將軍梁建方討平之庚子契丹帥窟哥奚帥可度者並率其部內屬以契丹部爲松漠都督以奚部置饒樂都督十二月乙卯增置殿中侍御史監察御史各二員大理寺置平事

十員閏月丁丑朔崑山道總管阿史那社爾降處密處月破龜茲大撥等五十城虜數萬口執龜茲王訶黎布失畢以歸龜茲平西域震駭副將薛萬徹脅于闐王伏闐信入朝癸未新羅王遣其相伊贊千金春秋及其子文王來朝是歲新羅女王金善德死遺冊立其姝真德爲新羅王

二十三年春正月辛亥俘龜茲王訶黎布失畢及其相那利等獻于社廟二月

丙戌置瑤池都督府隸安西都護府丁亥西突厥肆葉護可汗遣使來朝三月

丙辰置鄯州都督府自去冬不雨至于此月己未乃雨辛酉大赦丁卯勅皇太

子於金液門聽政是月日赤無光四月己亥幸翠微宮五月戊午太子詹事英

國公李世勳爲疊州都督辛酉開府儀同三司衛國公李靖薨己巳上崩於含

風殿年五十二遺詔皇太子卽位於柩前喪紀宜用漢制祕不發喪庚午遣舊

將統飛騎勁兵從皇太子先還京發六府甲士四千人分列於道及安化門翼

從乃入大行御馬輿從官侍御如常壬申發喪六月甲戌朔殯于太極殿八月

丙子百寮上諡曰文皇帝廟號太宗庚寅葬昭陵上元元年八月改上尊號曰

文武聖皇帝天寶十三載二月改上尊號爲文武大聖大廣孝皇帝

史臣曰臣觀文皇帝發迹多奇聰明神武拔人物則不私於黨負志業則咸盡其才所以屈突尉遲由仇敵而願傾心膂馬周劉洎自疎遠而卒委鈞衡終平秦階諒由斯道嘗試論之礎潤雲興蟲鳴螽躍雖堯舜之聖不能用橈杓窮奇而治平伊呂之賢不能爲夏桀殷辛而昌盛君臣之際遭遇斯難以至抉目剖心蟲流筋擢良由遭值之異也以房魏之智不踰于丘軻遂能尊主庇民者遭時也或曰以太宗之賢失愛於昆弟失教於諸子何也曰然舜不能仁四罪堯不能訓丹朱斯前志也當神堯任讒之年建成忌功之日苟除畏偏孰顧分崩變故之興閒不容髮方懼毀巢之禍寧虞尺布之謠承乾之愚聖父不能移也若文皇自定儲於哲嗣不騁志於高麗用人如貞觀之初納諫比魏徵之日況周發周成之世襲我有遺妍較漢文漢武之恢弘彼多慙德迹其聽斷不惑從善如流千載可稱一人而已

贊曰昌發啓國一門三聖文定高位友于不令管蔡旣誅成康道正貞觀之風

到今歌詠

舊唐書卷三

舊唐書卷三本紀

十三 中華書局聚

舊唐書卷三考證

太宗本紀卷下五年七月初令天下決死刑必三覆奏在京諸司五覆奏○新書在十二月丁亥綱目亦在十二月

九年夏閏四月丁卯日有蝕之○新書作丙寅朔据五行志當從新書

十三年夏四月阿史那結社爾犯御營伏誅○新書作阿史那結社率反綱目同新書

二十二年二月中書侍郎崔仁師除名配流連州○本傳作龔州

五月庚子右衛長史王玄策擊帝那伏帝國大破之○天竺國傳作擊那伏帝國無上一帝字

十一月戊戌眉邛雅三州獠反右衛將軍梁建方討平之○新書在九月壬寅綱目在十月

舊唐書卷三考證

珍做宋版印

卷三

唐高祖武皇帝本紀三

國號上一帝字

二十二年二月甲寅封國公

同漢書

十三

十四

十五

十六

十七

舊唐書卷四

後晉司空同中書門下平章事劉昫撰

本紀第四

高宗上

高宗天皇大聖大弘孝皇帝諱治太宗第九子也母曰文德順聖長孫皇后以貞觀二年六月生於東宮之麗正殿五年封晉王七年遙授并州都督幼而岐嶷端審寬仁孝友初授孝經於著作郎蕭德言太宗問曰此書中何言爲要對曰夫孝始於事親中於事君終於立身君子之事上進思盡忠退思補過將順其美匡救其惡太宗大悅曰行此足以事父兄爲臣子矣及文德皇后崩晉王時年九歲哀慕感動左右太宗屢加慰撫由是特深寵異尋拜右武侯大將軍十七年皇太子承乾廢魏王泰亦以罪黜太宗與長孫無忌房玄齡李勣等計議立晉王爲皇太子太宗每視朝常令在側觀決庶政或令參議太宗數稱其善十八年太宗將伐高麗命太子留鎮定州及駕發有期悲啼累日因請飛驛

遞表起居并遞勅垂報並許之飛表奏事自此始也及軍旋太子從至并州時
太宗患癰太子親吮之扶輦步從數日二十三年五月己巳太宗崩庚午以禮
部尚書兼太子少師黎陽縣公于志寧爲侍中太子少詹事兼尚書左丞張行
成爲兼侍中檢校刑部尚書太子右庶子兼吏部侍郎攝戶部尚書高季輔爲
兼中書令檢校吏部尚書太子左庶子高陽縣男許敬宗兼禮部尚書辛未還
京六月甲戌朔皇太子卽皇帝位時年二十二詔曰大行皇帝奄棄普天痛貫
心靈若寘湯火思遵大孝不敢滅身永慕長號將何逮及粵以孤眇屬當元嗣
思勵空薄康濟黎元敬順惟新仰昭先德宜布凱澤被乎億兆可大赦天下內
外文武賜勳官一級諸年八十以上賚以粟帛雍州及諸州比年供軍勞役尤
甚之處並給復一年辛巳改民部尚書爲戶部尚書疊州都督英國公勳爲特
進檢校洛州刺史仍於洛陽宮留守癸未詔司徒揚州都督趙國公無忌爲太
尉兼檢校中書令知尚書門下二省事餘並如故賜物三千段癸巳特進英國
公勳爲開府儀同三司同中書門下三品秋七月丙午改治書侍御史爲御史

中丞諸州治中爲司馬別駕爲長史治禮郎爲奉禮郎以避上名以貞觀時不諱先帝二字詔有司奏曰先帝二名禮不偏諱上旣單名臣子不合指斥上乃從之己酉于闐王伏闈信來朝八月癸酉朔河東地震晉州尤甚壞廬舍壓死者五千餘人三日又震詔遣使存問給復二年壓死者賜絹三匹以開府儀同三司英國公勳爲尙書左僕射同中書門下三品僕射始帶同中書門下庚寅葬太宗於昭陵九月甲寅加授鄜州刺史荆王元景爲司徒前安州都督吳王恪爲司空兼梁州刺史丙寅贈太尉梁國公玄齡贈司徒申國公士廉贈左僕射蔣國公屈突通並可配食太宗廟庭冬十一月甲子以瑤池都督阿史那賀魯爲左驍衛大將軍乙丑晉州地又震是冬無雪

永徽元年春正月辛丑朔上不受朝詔改元壬寅御太極殿受朝而不會丙午立妃王氏爲皇后丁未以陳王忠爲雍州牧二月辛卯封皇子孝爲許王上金爲杞王素節爲雍王夏四月己巳朔晉州地又震五月丁未上謂羣臣曰朕謬膺大位政教不明遂使晉州之地屢有震動良由賞罰失中政道乖方卿等宜

各進封事極言得失以匡不逮吐火羅遣使獻大鳥如駝食銅鐵上遣獻于昭陵吐蕃贊普死遣右武衛將軍鮮于匡濟齋璽書往弔祭六月庚辰晉州地震秋七月丙寅以旱親錄京城囚徒九月癸卯右驍衛郎將高俛執車鼻可汗詣闕獻于社廟及昭陵己未尚書左僕射英國公勣固請解職許之令以開府儀同三司同中書門下三品十一月己未中書令河南郡公褚遂良左授同州刺史十二月瑤池都督沙鉢羅葉護阿史那賀魯以府叛自稱可汗總有西域之地是歲雍絳同等九州旱蝗齊定等十六州水

二年春正月戊戌詔曰去歲關輔之地頗弊蝗螟天下諸州或遭水旱百姓之間致有罄乏此由朕之不德兆庶何辜矜物罪己載深憂惕今獻歲肇春東作方始糧廩或空事資賑給其遭蟲水處有貧乏者得以正義倉賑貸雍同二州各遣郎中一人充使存問務盡哀矜之旨副朕乃眷之心乙巳黃門侍郎平昌縣公宇文節加銀青光祿大夫依舊同中書門下三品守中書侍郎柳奭爲中書侍郎依舊同中書門下三品夏四月乙酉秩太廟令及獻昭二陵令從五品

丞從七品五月壬辰開府儀同三司及京官文武職事四品五品並給隨身魚
六月辛酉開府儀同三司襄邑王神符薨秋七月丁未賀魯寇陷金嶺城蒲類
縣遣武侯大將軍梁建方右驍衛大將軍契苾何力爲弓月道總管以討之八
月乙丑大食國始遣使朝獻己巳侍中燕國公于志寧爲尙書左僕射侍中兼
刑部尙書北平縣公張行成爲尙書左僕射並同中書門下三品猶不入銜中
書令兼檢校吏部尙書蔣縣公高季輔爲侍郎九月癸巳改九成宮爲萬年宮
廢玉華宮以爲佛寺閏月辛未頒新定律令格式於天下冬十月辛卯晉州地
震十一月辛酉有事於南郊戊辰定襄地震丁丑以高昌故地置安西都護府
白水蠻寇麻州命左領軍將軍趙孝祖討平之

三年春正月癸亥以去秋至于是月不雨上避正殿降天下死罪及流罪遞減
一等徒以下咸宥之弓月道總管梁建方契苾何力等大破處月朱耶孤注於
牢山斬首九千級虜渠帥六千俘生口萬餘獲牛馬雜畜七萬丙寅太尉趙國
公無忌以旱請遜位不許己巳同州刺史河南郡公褚遂良爲吏部尙書門下

三品丙子親祠太廟丁亥籍于千畝賜羣官帛有差三月辛巳黃門侍郎平昌
縣公宇文節爲侍中中書侍郎柳奭爲中書令庚申幸觀德殿賜文武羣官大
射夏四月庚寅左領軍將軍趙孝祖大破白水蠻大勃律甲午澧州刺史彭王
元則薨五月庚辰詔以周司沐大夫裴融齊侍中崔季舒給事黃門侍郎裴澤
尙書左丞封孝琰隋儀同三司豆盧毓御史中丞游楚客等並門挺忠鯁其子
孫各宜甄擢秋七月丁巳立陳王忠爲皇太子大赦天下五品已上子爲父後
者賜勳一轉大酺三日乙丑左僕射于志寧兼太子少師右僕射張行成兼太
子少傅侍中高季輔兼太子少保侍中宇文節兼太子詹事丁丑上問戶部尙
書高履行去年進戶多少履行奏稱進戶總一十五萬又問曰隋日有幾戶今
見有幾戶履行奏隋開皇中有戶八百七十萬卽今見有戶三百八十萬九月
丁巳改太子中允爲內允中書舍人爲內史舍人諸率府中郎將改爲旅賁郎
以避太子名冬十月戊戌幸同安大長公主第又幸高陽長公主第卽日還宮
十一月乙亥駁馬國遣使朝貢庚寅弘化長公主自吐谷渾來朝十二月癸巳

濮陽王泰薨

四年春正月癸丑朔上臨軒不受朝以濮王泰在殯故也丙子新除房州刺史
駙馬都尉房遺愛司徒秦州刺史荆王元景司空安州刺史吳王恪寧州刺史
駙馬都尉薛萬徹嵐州刺史駙馬都尉柴令武謀反二月乙酉遺愛萬徹令武
等並伏誅元景恪巴陵高陽公主並賜死左驍衛大將軍安國公執失思力配
流嶺州侍中兼太子詹事平昌縣公宇文節配流桂州戊子特進太常卿江夏
王道宗配流桂州恪母弟蜀王愔廢爲庶人已亥絳州刺史徐王元禮加授司
徒開府儀同三司英國公勳爲司空三月壬子朔頒孔穎達五經正義於天下
每年明經令依此考試丙辰上御觀德殿陳逆人房遺愛等口馬資財爲五塚
引王公諸親蕃客及文武九品已上射夏四月戊子林邑國王遣使來朝貢馴
象壬寅以旱避正殿減膳親錄繫囚遣使分省天下寃獄詔文武官極言得失
八月己亥隕石十八于同州之馮翊有聲如雷九月壬寅尚書右僕射北平縣
公張行成薨甲戌吏部尚書河南郡公褚遂良爲尚書右僕射依舊知政事冬

十月庚子幸新豐之温湯甲辰曲赦新豐乙巳至自温湯戊申睦州女子陳碩
貞舉兵反自稱文佳皇帝攻陷睦州屬縣婺州刺史崔義玄揚州都督府長史
房仁裕各率衆討平之十一月癸丑兵部尙書固安縣公崔敦禮爲侍中頒新
律疏於天下十二月庚子侍中兼太子少保舊縣公高季輔卒

五年春三月戊午幸萬年宮辛未曲赦所經州縣繫囚以工部尙書閣立德領
丁夫四萬築長安羅郭夏四月守黃門侍郎潁川縣公韓瑗守尙書侍郎來濟
並加銀青光祿大夫依舊同中書門下三品閏五月丁丑夜大雨水漲暴溢漂
溺麟遊縣居人及當番衛士死者三千餘人六月恒州大雨滹沱河泛溢溺五
千餘家癸丑蒲州汾陰縣暴雨漂溺居人浸壞廬舍癸亥中書令柳奭兼吏部
尙書丙寅河北諸州大水七月辛巳有小鳥如雀生大鳥如鳩於萬年宮皇帝
舊宅八月大理奏決死囚總管七十餘人辛亥詔自今已後五品已上有薨亡
者隨身魚並不須追收辛未吐蕃使人獻馬百匹及大驢可高五丈廣袤各二
十七步九月丁酉至自萬年宮冬十一月癸酉築京師羅郭和雇京兆百姓四

萬一千人板築三十日而罷九門各施觀十二月癸丑倭國獻琥珀碼碯琥珀
大如斗碼碯大如五斗器戊午發京師謁昭陵在路生皇子賢己未勅二年一
定戶

六年春正月壬申朔親謁昭陵曲赦醴泉縣民放今年租賦陵所宿衛將軍郎
將進爵一等陵令丞加階賜物甲戌至自昭陵於陵側建佛寺庚寅封皇子弘
爲代王賢爲潞王二月乙巳皇太子忠加元服內外文武職事五品已上爲父
後者賜勳一級大酺三日三月營州都督程名振破高麗於貴端水嘉州辛道
讓妻一產四男壬戌昭儀武氏著內訓一篇夏五月癸未命左屯衛大將軍盧
國公程知節等五將軍帥師出葱山道以討賀魯黃門侍郎潁川郡公韓瑗爲
侍中中書侍郎南陽男來濟爲中書令兼吏部尚書河東縣男柳奭貶遂州刺
史六月大食國遣使朝貢秋七月乙亥侍中固安縣公崔敦禮爲中書令乙酉
均天下州縣公廨八月尚藥奉御蔣孝璋員外特置仍同正員外同正自蔣孝
璋始也己酉大理更置少卿一員先是大雨道路不通京師米價暴貴出倉粟

耀之京師東西二市置常平倉九月庚午尙書右僕射河南郡公褚遂良以諫立武昭儀貶授潭州都督乙酉洛州大水毀天津橋冬十月己酉廢皇后王氏爲庶人立昭儀武氏爲皇后大赦天下十一月丁卯朔臨軒命司空勳左僕射志寧冊皇后文武羣官及番夷之長奉朝皇后於肅義門十一月己巳皇后見于廟癸酉追贈后父故工部尙書應國公贈并州都督武士護爲司空丙子淄州高苑縣吳文威妻魏氏一產四男三見育癸巳應國夫人楊氏改封代國夫人十二月遣禮部尙書高陽縣男許敬宗每日待詔於武德殿西門

七年春正月辛未廢皇太子忠爲梁王立代王弘爲皇太子壬申大赦改元爲顯慶文武九品已上及五品已下子爲父後者賜勳官一轉大酺三日甲子尙書左僕射兼太子少師燕國公于志寧兼太子太傅侍中韓瑗中書令來濟禮部尙書許敬宗並爲太子賓客始有賓客也御玄武門錢葱山道大總管程知節二月庚寅名破陣樂爲神功破陣樂辛亥贈司空武士護爲司徒周國公三月辛巳皇后祀先蠶于北郊丙戌戶部侍郎杜正倫爲守黃期詩郎劉蕡

下三品夏四月戊申御安福門觀僧玄奘迎御製并書慈恩寺碑文導從以天竺法儀其徒甚盛五月己卯太尉長孫無忌進史官所撰梁陳周齊隋五代史志三十卷弘文館學士許敬宗進所撰東殿新書二百卷上自製序六月岐州刺史潞王賢爲雍州牧秋七月癸未中書令兼檢校太子詹事固安縣公崔敦禮爲太子少師同中書門下三品改戶部尙書爲度支尙書侍郎亦然八月丙申太子少師崔敦禮卒左衛大將軍程知節與賀魯所部歌邏祿獲刺頡發及處月預支俟斤等戰於榆幕谷大破之斬首千餘級獲駝馬牛羊萬計九月癸酉初詔戶滿三萬已上爲上州二萬已上爲中州先爲上州中州者各依舊皇后製外戚誠庚辰括州海水泛溢壞安固永嘉二縣損四千餘家辛巳初制都督及上州各置執刀十五人中州下州十人癸未初置驃騎大將軍官爲從一品程知節與賀魯男啞運戰斬首數千級進至恆篤城俘其部落戶口及貨物鉅積冬十一月乙丑皇子顯生詔宗官朝集使各加勳級十二月乙酉置算學左屯衛大將軍程知節坐討賀魯逗留追賊不及減死免官罷蘭州都督鄯州

置都督

二年春正月庚寅幸洛陽命右屯衛將軍蘇定方等四將軍爲伊麗道將軍帥師以討賀魯二月辛酉入洛陽宮曲赦洛州庚午封皇第七子顯爲周王徙封許王素節爲郇王三月甲子中書侍郎李義府爲中書令兼檢校御史大夫黃門侍郎杜正倫兼度支尙書依舊同中書門下三品夏五月丙申幸明德宮秋七月丁亥還洛陽宮八月丁卯侍中潁川縣公韓瑗左授振州刺史中書令兼太子詹事南陽侯來濟左授台州刺史皆坐諫立武昭儀爲皇后救褚遂良之貶也禮部尙書高陽郡公許敬宗爲侍中以立武后之功也九月庚寅度支尙書杜正倫爲中書令冬十月戊戌親講武於許鄭之郊曲赦鄭州遣使祭鄭大夫國僑漢太丘長陳寔墓十二月乙卯還洛陽宮庚午改昏葉宮丁卯手詔改洛陽宮爲東都洛州官員階品並准雍州廢穀州以福昌等四縣并懷州河陽濟源温鄭州汜水並隸洛州己巳中書省置起居舍人兩員品同起居郎庚午以周王顯爲洛州牧壬午分散騎常侍爲左右各兩員其右散騎常侍隸中書

省

三年春正月戊子太尉趙國公無忌等脩新禮成凡一百三十卷二百五十九篇詔頒於天下二月丁巳車駕還京壬午親錄囚徒多所原宥蘇定方攻破西突厥沙鉢羅可汗賀魯及咥運闕啜賀魯走石國副將蕭嗣業追擒之收其人畜前後四十餘萬甲寅西域平以其地置濛池崑陵二都督府復於龜茲國置安西都護府以高昌故地爲西州置懷化大將軍正三品歸化將軍從三品以授初附首領仍分隸諸衛六月程名振攻高麗九月廢書算律學有司奏請造排車七百乘擬行幸載排城上以爲勞民乃於舊頓置院牆焉冬十一月乙酉兼中書令皇太子賓客兼檢校御史大夫河間郡公李義府左授普州刺史兼中書令皇太子賓客襄陽郡公杜正倫左授橫州刺史中書侍郎李友益除名配流嶠州戊戌侍中許敬宗權檢校中書令戊子侍中皇太子賓客權檢校中書令高陽縣公許敬宗爲中書令賓客已下如故大理卿辛茂將爲侍中鴻臚卿蕭嗣業於石國取賀魯至獻於昭陵甲辰開府儀同三司鄂國公尉遲敬德

舊

唐

書

卷四

本紀

七

中華書局聚

薨

四年春二月乙亥上親策試舉人凡九百人惟郭侍封張九齡五人居上第令待詔弘文館隨仗供奉三月以左驍衛大將軍郟國公契苾何力往遼東經略夏四月己未太子太傅尙書左僕射燕國公于志寧爲太子太師仍同中書門下三品乙丑黃門侍郎許圜師同中書門下三品丙戌太子太師同中書門下三品燕國公于志寧免官放還私第戊戌太尉揚州都督趙國公無忌帶揚州都督於黔州安置依舊準一品供給五月丙申兵部尙書任雅相度支尙書盧承慶並參知政事秋七月壬子普州刺史李義府爲吏部尙書同中書門下三品冬十月乙巳皇太子加元服大赦天下文武五品已上子孫爲父祖後者加勳官一級大酺三日閏十月戊戌幸東都皇太子監國戊戌至東都十一月以中書侍郎許圜師爲散騎常侍檢校侍中戊午兼侍中辛茂將卒癸亥以邢國公蘇定方爲神丘道總管劉伯英爲崑夷道總管

五年春正月甲子幸并州二月辛巳至并州丙戌宴從官及諸親并州官屬父

老賜帛有差曲赦并州及管內諸州義旗初職事五品已上身亡歿墳墓在并州者令所司致祭佐命功臣子孫及大將軍府僚佐已下今見存者賜階級有差量才處分起義之徒職事一品已下賜物有差年八十已上版授刺史縣令佐命功臣食別封身已歿者爲後子孫各加兩階賜醮三日甲午祠舊宅以武士護殿開山劉政會配食三月丙午皇后宴親族鄰里故舊於朝堂命婦婦人入會於內殿及皇室諸親賜帛各有差及從行文武五品以上制以皇后故鄉并州長史司馬各加勳級又皇后親預會每賜物一千段期親五百段大功已下及無服親鄰里故舊有差城內及諸婦女年八十已上各版授郡君仍賜物等己酉講武於并州城西上御飛閣引羣臣臨觀辛亥發神丘道軍伐百濟丁巳左右領始改左右千牛夏四月戊寅車駕還東都造八關宮于東都苑內癸亥至自并州五月壬戌幸八關宮改爲合璧宮六月庚午朔日有蝕之辛卯詔文武五品已上四科舉人甲午駕還東都秋七月乙巳廢梁王忠爲庶人徙於黔州戊辰度支尚書同中書門下三品盧承慶以罪免八月庚辰蘇定方等討

平百濟面縛其王扶餘義慈國分爲五部郡三十七城二百戶七十六萬以其地分置熊津等五都督府曲赦神丘崑夷道總管已下賜天下大酺三日九月戊午賜英國公勳墓塋一所冬十月丙子代國夫人楊氏改榮國夫人品第一位在王公母妻之上十一月戊戌朔邢國公蘇定方獻百濟王扶餘義慈太子隆等五十八人俘於則天門責而宥之乙卯狩於許鄭之郊十二月己卯至自許州

六年春正月乙卯於河南河北淮南六十七州募得四萬四千六百四十六人往平壤帶方道行營二月乙未以益綿等州皆言龍見改元曲赦洛州龍朔元年三月丙申朔改元壬戌幸合璧宮夏五月丙申命左驍衛大將軍涼國公契苾何力爲遼東道大總管左武衛大將軍邢國公蘇定方爲平壤道大總管兵部尚書同中書門下三品樂安縣公任雅相爲涇江道大總管以伐高麗是日皇后請禁天下婦人爲俳優之戲詔從之甲子晦日有蝕之六月庚寅中書令許敬宗等進累璧六百三十卷目錄四卷秋七月癸卯車駕還東都八月丙戌

令諸州舉孝行尤著及累葉義居可以勵風俗者九月甲辰以河南縣大女張年百三歲親幸其第又幸李勣之第天宮寺是高祖潛龍時舊宅上周歷殿宇感愴久之度僧二十人皇后至許圜師第壬子徙封潞王賢爲沛王是日以雍州牧幽州都督沛王賢爲揚州都督左武侯大將軍牧如故以洛州牧周王顯爲并州都督是日勅中書門下五品已上諸司表官尙書省侍郎并諸親三等已上並詣沛王宅設宴禮奏九部樂禮畢賜帛雜綵等各有差冬十月丁卯狩于陸渾癸酉還宮是歲新羅王金春秋卒其子法敏嗣立

二年春正月乙巳太府寺更置少卿一員分兩京檢校丙午東都初置國子監并加學生等員均分於兩都教授二月甲子改京諸司及百官名尙書省爲中臺門下省爲東臺中書省爲西臺左右僕射爲左右匡政左右丞爲肅機侍中爲左相中書令爲右相自餘各以義訓改之又改六宮內職名甲戌司戎太常伯溟江道總管樂安縣公任雅相卒於軍三月甲申自東都還京癸丑幸同州蘇定方破高麗于葦島又進攻平壤城不克而還夏四月庚申朔至自東都辛

巳造蓬萊宮成徙居之五月丙申左侍極許圜師爲左相乙巳復置律書算三
學六月己未朔皇子旭輪生乙丑初令道士女冠僧尼等並盡禮致拜其父母
乙亥制蓬萊宮諸門殿亭等名秋七月丁亥朔以東宮誕育滿月大赦天下賜
酺三日八月甲午右相許敬宗乞骸骨壬寅許敬宗爲太子少師同東西臺三
品仍知西臺事九月司禮少常伯孫茂道奏稱八品九品舊令著青亂紫非卑
品所服望令著碧詔從之戊寅前吏部尚書河間郡公李義府起復爲司列太
常伯同東西臺三品冬十月丁酉幸温湯皇太子弘監國丁未至自温湯庚戌
西臺侍郎上官儀同東西臺二品十一月辛未左相許圜師下獄癸酉封皇第
四子旭輪爲殷王十二月辛丑改魏州爲大都督府改冀州爲魏州又以并揚
荆益四都督府並爲大都督府沛王賢爲揚州大都督周王顯爲并州大都督
殷王旭輪遙領冀州大都督左相許圜師解見任

三年春正月左武衛大將軍鄭仁泰等帥師討鐵勒餘種盡平之乙丑司列太
常伯李義府爲右相二月丙戌隴雍同岐等一十五州戶口徵修蓬萊宮癸巳

置太子左右諭德及桂坊大夫等官員改司經局爲桂坊館崇賢館罷隸左春坊丁酉減京官一月俸助修蓬萊宮庚戌詔曰天德施生陽和在節言念幽圜載惻分宵雖復每有哀矜猶恐未免枉濫在京繫囚應流死者每日將二十人過於是親自臨問多所原宥不盡者令皇太子錄之詔以書學隸蘭臺算學隸祕閣律學隸詳刑寺改燕然都護府爲瀚海都護府瀚海都護府爲雲中都護府二月前左相許圜師左遷虔州刺史太子弘撰瑤山玉彩成書凡五百卷夏四月乙丑右相李義府下獄戊子李義府除名配流雋州丙午幸蓬萊宮新起含元殿秋八月癸卯彗星見於左攝提戊申詔百寮極言正諫命司元太常伯竇德玄司刑太常伯劉祥道等九人爲持節大使分行天下仍令內外官五品已上各舉所知冬十月丙申絳州麟見于介山丙午含元殿前麟趾見十一月癸酉雨冰十二月庚子詔改來年正月一日爲麟德元年春正月甲子改雲中都護府爲單于大都護府官品同大都督府二月丁亥加授殷王旭輪單于大都護戊子幸萬年宮三月辛亥展大赦禮丁卯長女追封安定公主諡曰思其

鹵簿鼓吹及供葬所須並如親王之制於德業寺遷于崇敬寺夏四月衛州刺史道王元慶薨五月許王孝薨乙卯於昆明之弄棟川置姚州都督府秋八月丙子朔至自萬年宮便幸舊宅己卯降萬年縣繫囚因幸大慈恩寺壬戌還蓬萊宮戊子兼司列太常伯檢校沛王府長史城陽縣侯劉祥道兼右相大司憲竇德玄兼司元太常伯檢校左相九月己卯詔曰周京兆尹左右宮伯大將軍司衛上將軍少冢宰廣陵郡公宇文孝伯忠亮存心貞堅表志淫刑既逞方納諫而求仁忍忌將加甘捐軀而徇節年載雖久風烈猶生宜峻徽章式旌胤胄其孫左威衛長史思純可加授朝散大夫十二月丙戌殺西臺侍郎上官儀戊子庶人忠坐與儀交通賜死右相城陽縣侯劉祥道爲司禮太常伯太子右中護檢校西臺侍郎樂彥璋西臺侍郎孫處約同知政事是冬無雪

二年春正月壬午幸東都丁酉幸合璧宮戊子慮雍洛二州及諸司囚甲子以發向太山停選三月甲寅兼司戎太常伯永安郡公姜恪同東西臺三品辛未東都造乾元殿成閏月癸酉日有蝕之四月丙午曲赦桂廣黔三都督府管內

大辟罪已上丙寅講武邙山之陽御城北樓觀之戊辰左侍極仍檢校大司成
嘉興縣子陸敦信爲檢校右相其大司成宜停西臺侍郎孫處約樂彥璋並停
知政事五月辛卯以祕閣郎中李淳風造曆成名麟德曆頒之以司空英國公
李勣少師高陽郡公許敬宗右相嘉興縣子陸敦信左相鉅鹿男竇德玄爲檢
校封禪使六月鄆州大水壞城邑秋七月鄧王裕薨冬十月戊午皇后請封禪
司禮太常伯劉祥道上疏請封禪癸亥高麗王高藏遣其子福男來朝丁卯將
封泰山發自東都是歲大稔米斛五錢麩麥不列市十一月丙子次于原武以
少牢祭漢將紀信墓贈驃騎大將軍庚寅華州刺史燕國公于志寧卒十二月
丙午御齊州大廳乙卯命有司祭泰山丙辰發靈巖頓

舊唐書卷四

卷之四

山平峰嶺大觀心飛於首頂聚泰山西冠嶺雲霧茫茫

小亭空翠橫嶺南亭觀翠嶺大嶽或東有華峰原史燕趙天子志

峻築山塔自見滌滌東大嶽天旋地轉雲霧下傾中平外快兩

元野方常俯視蒼生土如新休歸夢東黃龍王首巖頭長子

亦佳此野六月猶聞大嶽聲雲霧下傾中平外快兩

亦佳此野六月猶聞大嶽聲雲霧下傾中平外快兩

亦佳此野六月猶聞大嶽聲雲霧下傾中平外快兩

亦佳此野六月猶聞大嶽聲雲霧下傾中平外快兩

亦佳此野六月猶聞大嶽聲雲霧下傾中平外快兩

舊唐書卷四考證

高宗本紀卷上永徽元年十二月瑤池都督沙鉢羅葉護阿史那賀魯以府叛自稱可汗總有西域之地○新書在二年正月綱目亦同新書

四年十一月以邢國公蘇定方爲神丘道總管○臣德潛按新書本紀五年三

月大將軍蘇定方爲神丘道大總管以伐百濟也定方本傳顯慶五年拜熊津道大總管考熊津在朝鮮城南唐置熊津都督府于其地定方以神丘道兼領之兩書正相合也且其時定方方討都曼何以又有神丘道之命乎疑屬下五年之文錯簡于此

五年六月駕還東都○臣德潛按前夏四月已書駕還東都矣以後未嘗巡幸

何又書還東都耶應卽前至自并州文重見于此

龍朔二年秋七月丁亥朔以東宮誕育滿月大赦天下○沈炳震曰此時太子弘爲東宮皇子旭輪非東宮也當從新書書子旭輪生滿月大赦爲合

舊唐書卷四考證

其間二半於十民丁其後則有孫齊孫氏大族天下○於漢魏曰似神天子

則又書孫東海孫齊孫氏至自共氏文意及千矣

武平六民孫齊孫氏○孫齊孫齊四民口皆孫齊齊孫氏又皆未嘗孫齊

孫不三半之大族間千矣

宋勳之兩帝出許合治且其孫安氏衣地孫曼孫氏又皆孫氏出孫氏會千

孫氏大族會孫氏孫齊孫氏孫齊孫氏孫齊孫氏孫齊孫氏孫齊孫氏孫齊孫氏

孫大族軍孫安氏孫齊孫氏孫齊孫氏孫齊孫氏孫齊孫氏孫齊孫氏孫齊孫氏

孫十一民以孫氏心孫安氏孫齊孫氏孫齊孫氏孫齊孫氏孫齊孫氏孫齊孫氏

孫齊孫氏孫齊孫氏孫齊孫氏孫齊孫氏孫齊孫氏孫齊孫氏孫齊孫氏孫齊孫氏

孫本孫齊孫氏孫齊孫氏孫齊孫氏孫齊孫氏孫齊孫氏孫齊孫氏孫齊孫氏